

A decorative rectangular border with a repeating floral or scrollwork pattern, enclosing the title text.

豐鎮縣志書

豐鎮縣志書

新纂豐鎮廳志序

今邑志古國史也周官外史掌四方之志小史掌邦國之志訓  
方氏掌道四方之政事與其上下之志古之志皆以史領之而  
志又通謂之史春秋時列國各有史晉之乘楚之檮杌魯之春  
秋皆史也嬴劉以來著錄蔚起漢太史司馬子長史記一書本  
紀世家列傳年表百三十篇地志闕諸至扶風班氏漢書始作  
地理志言成帝時劉向畧言其地分丞相張禹使屬隸川朱贛  
條其風俗猶未全究唐李延壽南北二史偶闕未備司馬溫公  
撰資治通鑑猶以不作志書爲憾謂使數代制度因革皆沒不  
見是志以佐史相爲表裏不可不詳且覈也審矣第記載貴能

得實而立言期於有用漢地理風俗記遠莫能詳唐元和郡縣志今爲最古其博采人物名勝古蹟題詠則有樂史太平寰宇之富且賅臚列軍州赤畿戶口山川則有王存元豐九域之精而核他如吳郡新安雍錄齋乘各記方隅咸號善本可與正史並傳然遙遙在昔落落數人宜於古者未必盡信於今蓋志之體昉於史志之義準於經言天文則屬易言政事則屬書言民風土俗則屬詩禮其間筆削褒貶則皆本之春秋以史筆而兼經術纂述大非易事是以志叅史體志猶史也其不同者史記天下之事志止一隅非境內不錄史識一朝之事志自建邑至今在封內例皆得書建置沿革具焉星象禡詳著焉關山道里

土風物產備焉食貨兵防祠祀陵墓寓焉文人賢媛技藝仙釋  
列焉利病存於是得失見於是勸懲亦寄於是無志可稽則興  
革變通之故將無所考山川毓靈忠孝節義與夫蓄道德而能  
文章者久亦同於榛蕪之湮沒何由徵文獻而成民俗故其爲  
文繁則蕪簡則陋襲公家言則郛廓不親難於體裁之各當而  
自昔稱名作者咸推康對山之志武功以其語無溢美事歸得  
實而褒誅褒鉞悉祖麟經遺意洵有切世教之文不可多得也  
豐鎮遠處塞北其地雄博廓乎無垠自秦迄明戎馬戰爭殆無  
虛日勝國猶爲荒服我

聖朝肇造區夏中外一家開疆拓土窮邊絕域共隸版圖凡蒙古

外藩諸部君長莫不受吏編名臣僕是効以故士無事於秋防  
農相安於夏耨食

帝力而享太平不知有烽燧之警何其休歟顧天下郡縣皆有志而  
廳獨闕焉無志乾隆三十七年知府吳公宏輔纂修府志雖曾  
附於卷末然畧而不詳僅存什一於千百仍與無志同前任屢  
蒙

憲諭飭令修輯豈絜無人或者茫無所稽而不能作否則偶有  
所忌而不敢作否則有所稽無所忌或弇鄙耄荒推諉而不肯  
作坐令改革之大變通之重湮沒無傳此守土之責抑亦都人  
士之咎也今蒙

憲檄通飭府郡各屬上緊趕辦勿再忽延怠玩致干嚴叅卑職  
仰體

憲厘卽輯志稿嗚呼

溥

材同樗櫟簿書鞅掌於倥偬旁午中祇

以蠡測管窺聊紀志畧耳安敢言志哉賴諸紳士執筆墨以從  
事設局分曹披鄴侯之牙籤萬軸秉子京之銀燭兩行發凡起  
例蒐羅軼典採輯新編上自漢魏以迄昭代學士大夫之流風  
逸韻故家遺俗下逮閨門里巷匹夫匹婦凡有彰風教而式民  
行者爬梳抉剔折衷於史法而進退之閱五旬而蕝事以成一  
邑完書嗟呼設廳至今二百餘年矣孰不謂邊塞荒涼詎可語  
於文章勳節也哉茲全書告成於建置沿革見古今之興廢於

山川疆域見形勢之阨要於人物吏治見民風之蒸蒸向化於賦役之不繁見

國家輕徭薄斂於風俗之茂美見

聲教漸被誕敷且於兵防鋪遞營伍堡寨之設向之列屯衛者今皆設爲城邑向之謂邊陲者今皆視爲腹地又以見我

### 列聖相承

德化涵濡中外禔福直駕唐虞三代而上之然則是書之成庶足以信今而傳後豈扶輿磅礴之氣鬱之又久萃而顯於今日歟抑造物有待而然歟而亦何幸歟莊子曰迹者履之所自出如必履舊迹而斤斤然銖兩尺寸以求合安知異日者聲明文物



不尤勝於今日乎今所爲志草創焉耳志也云乎哉若夫加以  
潤色則尙有待是爲序

光緒七年歲次辛巳秋九月中澣在任候補知府豐鎮蒙民理  
事同知德溥撰

豐鎮廳新志凡例二十則

一 凡志之作本周禮職方小史太史所掌所以傳信愚按山西省志式遵一統志廳隸大同府而府隸山西則志當惟省是式蓋省志古晉乘之遺出自董狐司馬氏筆爲後世志史鼻祖其義正其文簡而不俚今志取以爲楷因舊章也

一 分星畫野辨疆正域不有圖考何以審形勢察祲祥爲制馭敬時之計故繪以圖而詳其說便觀覽資修省也

一 八景名色本於瀟湘天下志書倣倣舊志新爲增入俾閱者知荒服之地有名勝也

一 星野沿革巡幸雜志府志綦詳今悉錄舊良以豐鎮文獻不足無憑考核不敢穿鑿附會誤後人貽笑柄也

一 疆域城池疊次開拓以今視昔大相逕庭至若風土物產府志概從簡畧是編記載詳明紀實蹟也

一 山川古蹟舊志皆摭拾成文今畧爲節訂存之於前復稽山海經水經注一統志證

據確鑿更加增考於後俾閱者叅互釐正以決疑信

一大同爲秦雲中郡唐置雲州雲中郡五代因之石晉天福元年割入契丹改曰雲中縣趙宋宣和五年來歸改曰雲中府明宣德元年築雲川城於豐州西南後徙於大同城內於是豐勝之間爲古雲中豐鎮爲新雲中最易混淆故人物事蹟必與豐鎮有證實者方採入志中不敢濫收

一威甯海威甯口在今甯遠廳境內拒門堡之間茲不載入廳志至古長城白道泉飲馬長城窟辨疑詳古蹟不敢牽混示區別也

一境內居民雜處有漢旗蒙回洋諸名近草地者罔知禮教往往因飲博衽席小忿尋讐起釁釀成巨案第志與史異史乃據事直書善惡並著志則意存彰善以樹風聲是編不載非隱諱也遵體例也

一學校以育人材廟祠以崇祀典而文廟昭忠名宦鄉賢節孝等祠及學署書院至今均未建設故姑闕之雖他祠宇紀載頗多然寺觀有之淫祠不與至若義學亦名存

實亡故與壇壝義塚養濟院並附營建之末以存朔餼之禮

一分門別類稱詳也詳則用之以約故各以名義所近者附於列卷而不復細分卷帙以相凌錯省繁文惜物力也

一稽核不厭精詳也謂之寔錄信者必傳疑者闕也不欲以疑傳疑受疑於世者還以疑世也所以崇志體示信史也

一志之作也表忠孝之幽光振將來之風化凡善可錄行可述有關於世教者雖在編氓必傳其真其無關風教者雖在貴胄不溢其美存公道示不附也

一豐鎮在輿記乃九邊外地魏遼金元故土自漢迄明久爲戎馬蹂躪入寇出沒之區故凡一切兵制鋪遞驛站必詳載之俾知邊陲要地謹防禦修武備也

一職官設自雍正初年建立城垣則自乾隆二年始或歸直隸張理廳管轄或陽高大朔理事通判移駐管理或豐川鎮甯武職兼理以徵收賦稅而已後並衛所爲一官改爲廳凡新平平遠邊外皆隸焉至登記事蹟考之

國朝居多故志之使知沿革所由也

一省志有雜著災祥幻異雜事今新增入俾司民者知所恐懼惕勵也

一新增節烈孝友仙釋技藝諸志雖只二三條而志類所不可少者姑爲備體以俟後來補入

一藝文收錄不敢太繁惟招墾牧廩廟塚碑記於正教煞有關係者始爲載入其他遊山玩景之篇概不濫收

一府志詩賦載百有餘首而合選者不過十七八首始存之以備體例近作無取濫入然勝境未經登記者其題詠亦不可少故附錄於後識者諒之勿誚效顰也

一豐鎮素無志今初立焉雖舊載府志之末頗有錄本而所記事蹟僅什一於千百卽此外細加採訪然猶有世代遠湮而無考者有地勢隔閩而未聞者耳目所及難免脫漏君子不得以鹵莽譏焉止竭心力草創規模以俟後人修飾潤色云

豐鎮廳志

卷首

序文

凡例

目錄

銜名

卷一

星野

星圖

占候

躔度

考證

氣候

沿革

地表

疆域

道路

村莊

卷二

山川

水利

形勝

古蹟

塚墓

景致

卷三 營建

城池

祠祀

寺廟

壇壝

公署

倉儲

庫藏

橋梁

街坊

義學

教法

義塚

養濟院

卷四

巡幸

封爵

職官

選舉

卷五

兵防

鋪遞

驛站

武事

田賦

稅課附內

戶口

倉庫

卷六

風土

士習 農事 工作 商賈 冠禮 婚禮 喪禮 祭禮 節序

物產

災祥

幻異

卷七

人物

孝子

孝婦

節婦



技藝

仙釋

卷八

藝文

上

奏疏

書啓

紀畧

碑記

附近作

藝文

下

古近體詩

補附今詩

卷尾

雜志

豐鎮廳新志

纂修姓氏

纂輯

在任候補知府蒙民理事同知 德

溥泉時

正黃旗人

監修

經始

前署張皋兒巡檢現任仁義鎮巡檢

李崇善

順天府宛平縣人

前署豐鎮廳司獄現任稷山縣典史

王以肅

順天府順義縣人

分纂

壬子

科

舉

人

麻麗五

蓬生

崞縣人

定襄

縣學

附

生

王楨

翰垣

原籍定襄縣人

大同

縣學

廩

生

張鳳翔

子覽

原籍大同縣人

忻州學增生范大元伯掄原籍忻州人

理局

例貢生溫廣深資泉壽陽縣人

布政使理問閻世隆鼎臣原籍直隸懷安縣人

太學生候選縣丞史文郁堂原籍大同縣人

議叙五品軍功馬龍負圖原籍大同縣人

候補州吏目李承鄴敬菴山東萊州府人

膳錄

業儒杜元仁堯熙忻州人

業儒趙啓昌佐臣邑人

業儒吳承周邑人

業儒郭鐘文四達邑人

業

儒 趙鼎方世

陽高縣人

較正

邑

業

儒 王霽澤

參訂

議 叙

六品軍

功 趙傑三漢

參閱

邑

業

儒 吳宗周三讓

業

儒 楊韶儀鳳

平定州人

吏

員 張師孔

探訪

布

政使經

歷 薛兆齡永年

議

叙六品軍功

高慶雲

銜名

財政部印刷局印

豐鎮廳志卷之一

星野

唐李氏素諳天文撰法象志據漢十二次度數以唐州縣配之其分配躔次率多謬譌宋容齋洪氏譏其蔽於天而不知地良以茫茫堪輿俯仰無垠郡縣所入宿度揆諸古數烏能悉準可見分星辨野非易事也大同爲趙北鄙昔人上應星次下畫山河列宿分躔區別九州皆以昴畢爲趙分豐鎮隸大同得冀並代雲地自當以昴畢爲分野第幅員廣狹古今不同其星分度數不可執蠡測管窺之見失之穿鑿附會焉然舍星躔於不論則泛而無紀故博採史志於占候躔度引用考證皆撫拾舊聞不敢稍參臆說並繪列星圖遵照舊志云

昴畢二宿圖



同知德溥纂輯



宿 昴



● 天阿




占候

昴十一度下爲日月中道天之耳目也主西方主獄事又爲旄頭甘氏云主口舌奏對若明大則君無佞臣天下安和張衡云昴明則獄訟平天阿一星在胃東月一星在昴東皆黑星又曰天阿主察山林妖變天陰五星在畢柄西主從天子弋獵之臣天苑十六星在昴畢南如環狀天子之苑囿養禽獸之所也主馬牛羊明則馬牛羊盈芻藁六星在苑西以供牛馬之食也一曰天積天子之藏府也星盛則歲豐穰卷舌六星在昴北天讒之外主口語以知讒佞張衡云主樞機曲而靜則賢人用天讒一星在卷舌中主醫巫占與從官同礪石四星在五車北主磨礪鋒刃

晉志天阿卷舌天讒俱屬天市垣天苑在二十八宿之外芻藁天陰月礪石晉志不載隋史有之武密又以芻藁屬胃卷舌屬胃又屬昴乾象新書以芻藁屬婁卷舌西三星屬胃東三星屬昴天苑西八星屬胃南八星屬昴布天歌以上諸星皆屬昴宿

躔度

昴七星距西南星去極七十度天阿一星去極六十六度入胃宿十度月一星去極七十一  
 度半入昴宿五度天陰五星距西星去極七十五度半入胃宿七度天苑十六星距東北星  
 去極一百七度半入昴宿七度半芻藁六星距西行中星去極一百八度入婁宿十一度卷  
 舌六星去極五十三度入昴宿初度天讒一星去極六十一度半入昴宿半度礪石四星距  
 南第二星去極六十五度入昴宿六度





占候

畢十七度主刀兵主弋獵其大星曰天高一曰邊將星明大則遠人來貢天下安甘氏云畢主街巷陰雨天之雨師也明而定則天下安張衡云畢爲天馬昴畢間二星曰天街三光之道也主伺候關梁又云主國界附耳一星在畢下天高東南隅主聽得失伺愆邪察不祥天節八星在畢南主使臣之所持也宣威德於四方明則吉諸王六星在五車南天漢之中主宗社藩屏王室也明則諸侯奉上天下安天高四星在參旗西北近畢比臺榭之高主遠望氣象五車五星三柱九星共十四星在畢東北五車主天子五兵張衡云天子兵車舍也西北曰天庫主太白秦也次東北星曰天獄主辰星燕趙也次東南星曰天倉主歲星衛魯也中央星曰司空主鎮星楚也次西南星曰卿主熒惑魏也五星有變各以其所主占之三柱一曰三泉一曰休一曰旗五星均明柱皆具卽人倉廩實五車三柱有變各以其國占之天潢五星在五車中主河梁濟度之處也咸池三星在五車中天潢南魚囿也天關一星在五車南畢西北一曰天門日月五星所行之道也主邊塞事主關閉參旗九星在參西五車之

間天旗也明而希則邊方不動一曰天弓主弓弩之張候變禦難玉井西南九星曰九旂天子之旗也主邊軍進退天苑之南十三星曰天園植果菜之所也曲而鈎則果菜熟

步天歌以天節九州殊口附耳天高五車三柱天潢咸池天關天園諸星皆屬畢宿武密書以天節屬昴參旗天關五車三柱俱屬觜乾象新書以天節參旗皆屬畢天園西八星屬昴東五星亦屬畢五車北西南三大星屬畢東二星及三柱屬參

躔度

畢八星距右股第一星去極七十五度天街二星距南星去極七十一度入昴宿十度附耳一星去極七十七度入畢宿二度天節八星距北星去極八十度半入畢宿三度諸王六星距西星去極七十度入畢宿二度天高四星距東星去極七十四度半入畢宿六度五車五星三柱九星距大星去極四十七度半入畢宿八度半天潢五星距西北星去極五十八度入畢宿十一度咸池三星距南星去極五十一度入畢宿十一度半天關一星去極七十一度半入觜宿初度參旗九星距南第一星大星去極八十七度入畢宿六度九旂九星距南

星去極一百一十三度入畢宿十二度天園十三星距東北星去極一百二十四度入畢宿五度

考證

周禮保章氏以星土辨九州之地鄭注昴畢冀州也

春秋元命苞畢散爲冀州分爲趙國立爲恆山宋均注恆山昴畢之精

史記天官書昴畢冀州昴曰旄頭畢曰罕軍昴畢間爲天街其陰陰國其陽陽國正義曰昴畢爲大梁之次

漢天文志昴畢冀州又曰占於街北昴主之占於街南畢主之地理志趙地昴畢之分野定襄雲中皆趙分也

後漢書馬融傳畢爲兵患至於分野并州是也

晉天文志昴畢趙冀州恆山入昴五度

隋地理志自胃七度至畢十一度爲大梁屬冀州

唐天文志昴畢大梁也胃得馬牧之氣與冀之北土同占初胃四度餘二千五百四十九秒入太中昴六度終畢九度自魏郡濁漳之北得全趙之分又北逾衆山盡代郡雁門雲中定襄之地與北方之國北紀之東陽表裏山河以蕃屏中國爲畢分循北河之表西盡塞垣皆髦頭故地爲昴分冀之北土馬牧之所蕃庶故天苑之象存焉地理志代雲朔蔚等州爲大梁分

金歷志胃四度二十四分三十三秒外入趙分大梁之次

明天文志胃四度至畢六度大梁之次也山西布政司所屬之大同府應朔渾源蔚四州皆昴畢分

帝王世紀自胃至畢十一度曰大梁之次於辰在酉謂之作噩於律爲姑洗斗建在辰今趙分野

月令章句注胃一度至畢六度爲清明穀雨大梁趙分

容齋隨筆十二國分野上屬二十八宿其甚不可曉者莫如晉天文志雍州爲秦其下乃列

雲中雁門定襄代郡蓋自屬并州及幽州耳

明一統志大同府禹貢冀州之域虞周屬并州天文昴畢分野

圖書編大同昴畢分野

按昴七星曰髦頭畢曰罕軍爲邊兵爾雅曰濁謂之畢孫炎曰掩兔之畢或呼爲濁因以名星蘇竟曰畢爲天綱昴畢同宮曰大梁之次於州爲冀蓋趙之分也大同爲趙之北郡在天街之南是爲陽國

山西通志昴畢大梁之次於辰在酉於周爲冀趙之分也而胃宿附入焉史記曰昴畢冀州晋天文志曰自胃七度至畢十一度爲大梁志分野唐天文志曰胃昴畢大梁也初胃四度餘二千五百四十九秒入太中昴十度終畢六度天原發微曰胃七至畢十一辰酉曰作噩律姑洗斗辰趙分費直周易分野曰起婁十度蔡邕月令章句曰起胃一度金史曰胃四度二十四分三十三秒外入趙分大梁之次雖度數起終稍有不同而大梁之爲趙其占爲昴畢則無不同也

以上分野俱主昴畢言又有屬之五星者有主之北斗者有占之天市垣及女分國星者並附其說於後

辰主恆山冀州幽州并州大梁以負北海其神主於恆山辰星位焉

玉衡第八星主幽州常以五寅日候之庚寅爲代郡第九星主并州常以五申日候之甲申爲雁門丙申爲雲中戊申爲定襄

天市垣二十二星在房心東北東西列各十一星其東垣南第一星曰宋第二星曰南海第三星曰燕第四星曰東海第五星曰徐第六星曰吳越第七星曰齊第八星曰中山第九星曰九河第十星曰趙第十一星曰魏

須女下十二諸侯國有十六星齊一星在九坎之東齊北二星曰趙趙北一星曰鄭鄭北一星曰越越東二星曰周周東南北列二星曰秦秦南二星曰代代西一星曰晉晉北一星曰韓韓北一星曰魏魏西一星曰楚楚南一星曰燕其星有變各以其國占之

中台下星主冀招搖一星天鋒一星梗河三星天壘十二星並主北邊

按州郡所入宿度史漢皆不道晉書始本陳卓之說著之天文志雍州爲秦其下乃列雲中定襄雁門代郡謂入東井分容齋洪氏已指其謬固不待辨漢地理志雲中定襄屬趙爲昴畢分代郡雁門別屬燕爲尾箕分則當兼占尾箕矣趙本晉地參爲晉星則又當占參自胃至畢爲大梁分則又當兼占胃考史記趙襄子北登夏屋而併代武靈王破林人樓煩盡有其地故蘇秦曰趙西有常山北有燕國是燕地之入於趙者不獨葛武陽平野也亦猶上黨本韓之別都遠韓近趙卒降趙皆趙分也晉語實沈之墟晉人是居參星主晉是矣第三晉地最廣不可限以今之山西也且趙分晉得三之一而大同又僅趙之北邊近髦頭故地圖書編曰山西諸郡三背參四參井惟大同爲昴畢宋天文志參星十度右足入畢十三度勢本鈎連故白登之圍月暈參畢自當以昴畢爲主而參附入焉唐志胃得馬牧之氣與冀之北土同占曰同占者亦附入之義未嘗指衆山以北之地爲胃分也又嘗疑昴畢同宮而昴主塞外則宜專占畢矣按東漢建武十三年正月彗星見於昴十一月盧芳入居高柳爲代之屬邑當在今府東北陽高

豐鎮之界晉太元中大黃星出昴畢占曰當有真人起於燕代間是爲北魏太祖皇始元年越一年自雲中徙都平城於漢爲雁門郡屬卽今府所治也董子曰善言天者必有驗於人大同之占昴畢庶幾近之然歷代州郡屢更歲差又不能盡合也星之於土以精氣相屬而不係乎方隅占測以山河爲限而不主乎州國此唐一行山河兩戒雲漢升降之論爲不可廢矣

### 氣候

土高地瘠天寒霜早三春無花四季少暖夏始布穀秋初刈麥種旣難早收又恐遲

### 沿革

粵自十二州肇於舜九州定於禹商周不改九州之制而爾雅所載商制也有幽冀而無青梁職方所掌周制也有幽并而無徐梁變更亦云屢矣秦并天下分爲三十六郡漢復分爲十三州由晉及明置郡置鎮置路置軍歷代沿革因時更易土生千百年後必欲舊名舊壤無不核實誠憂憂乎其難之然而改邑不改井山川萬古如斯也豐鎮古爲新雲中



國朝始設衛所隸府治乾隆間併衛所更今名茲編於前代因革興廢詳考史書地志叙厥原委仰見我

朝聲教漸被無遠弗届分疆定界所為損益乎古制者盡美盡善云

地表

統隸

分屬

縣名

唐

冀州

雁門郡

虞

并州

并州

夏

冀州

冀州

商

冀州

代國

周

并州

代國

秦

趙國

雁門郡

漢

并州

雲中郡

代郡

雁門郡

雲中郡

定襄郡

成樂

武進

代郡

代國

高柳城

延陵合參

且東安陽

東漢

并州

雁門郡

雲中郡

成樂

武進

高柳

馬城

東安陽

魏晉

并州

雁門郡

新興郡

幽州

代郡

北魏

恆州 司州代郡

代郡

梁城郡

參合

高柳郡

安陽

高柳

北齊

北恆州

撫冥鎮

柔遠鎮

北周

北朔州

隋

定襄郡

唐

河東道

雲州雲中郡

關內道

單于都護府

後唐

雲州 大同軍

遼

西京道

大同府

宣德

宋

雲中 府路

雲中府

宣德

金

西京路

大同府

宣甯

撫州

柔遠

豐利

威甯

元

河東山西道

大同路

興和路

寶昌州

威甯

明

山西布政司

行都司

大同府

國朝

山西布政司

大同府

豐鎮廳

豐鎮廳

府城北一百里

漢代郡且如馬城高柳縣地定襄郡成樂武進縣地

按漢書且如縣有于延水武進縣有

白渠水水經注于延水逕且如縣故城南又東南逕馬城縣故城北今名東洋河源出天

鎮邊外金史太宗子昫傳天輔五年復取西京昫率大軍趨白水灤疑即古白渠水也漢

定襄郡治盛樂省志云卽元魏北都遼金元之豐州當在今歸化城左右及考金志大同

縣有盛樂城不言在豐州竊意大同之盛樂城北魏始祖所遷穆帝所居道武登國元年

所幸所謂定襄之盛樂者乃西漢故縣而昭成所都道武登國十年所幸所謂雲中盛樂宮者卽永興中置盛樂郡地在今歸化城界距豐鎮尙遠魏天賜三年北巡狩山宮遂登定襄角史山又幸馬城是時已都平城車駕循京北而西而東正在今豐鎮界內又今陽高縣開山口迤北爲古高柳塞近漢高柳縣地故魏書道武紀云屯于延水南出代谷會賀麟於高柳地本連屬以今地界覈之馬城在天鎮邊外高柳在陽高邊外成樂武進在大同邊外且如在正黃旗察哈爾南界然不可盡矣

東漢且如縣省成樂武進改屬雲中高柳馬城仍屬代見漢書郡國志

北魏梁城高柳郡地屬恆州北境又北爲柔元撫冥二鎮 魏書地形志梁城郡領參合

鴻二縣高柳郡領安陽高柳二縣按水經注如渾水出涼城

疑即梁城

旋鴻

疑即

參合

北八十里有如渾水源出塞外葫蘆海高柳二漢屬代郡說見後高柳故城附近有參合陂一統志柔元故鎮在天鎮縣東北邊牆外按魏書孝文紀太和十八年幸柔元鎮通鑑注曰柔元鎮在漢且如縣西北塞外其西卽撫冥鎮今考其地應在豐鎮境暨正黃旗察

哈爾之間又西則爲懷朔鎮非豐鎮界

唐置單于大都護府 唐書地理志本雲中都護府龍朔三年置麟德元年更名尹耕曰單于都護府置在雲中而永醇間復徙瀚海都護府於雲中爲雲中都護府是雲中有兩都護府也或曰瀚海所徙史文曰古雲中單于府所置但曰雲中是其時有新舊兩城明一統志亦言新雲中在今大同府北郭外古雲中在豐勝之間相去四百餘里按此則豐鎮當爲新雲中地

遼大同天成長青三縣北境兼有德州撫州地 遼史地理志德州領宣德縣本西德店地開泰八年置在今甯遠界撫州今張家口西界遼秦國大長公主建見金史地理志豐鎮西鄰甯遠東接張家口南屏大同陽高天鎮皆遼西京北境也

金撫州西境大同宣甯二縣東北境 金史地理志撫州鎮甯軍明昌三年置承安二年升爲節鎮領柔遠集甯豐利威甯四縣按柔遠縣有雙山鴛鴦灤得勝口明史大同北有威甯海子興和所西有集甯路雲州堡西北有鴛鴦泊威甯口在陽高西北七十里得勝口

在大同北八十里雙山在天鎮縣東北六十餘里新平邊外皆豐鎮境意豐州衛卽豐利故縣鎮甯所亦昉於豐甯軍也又按金志宣甯縣卽遼宣德縣有彌陀山在今大同西北九十里拒牆堡北東西袤百里北連口外

元高原威甯二縣寶昌一州屬興和路 元史興和路金撫州屬西京元中統三年以郡爲內輔升隆興路後更名見地理志太祖七年南伐取豐利等縣寶昌桓撫等州見太祖紀按恆州在上都西又西爲興和路又西北爲寶昌州以今邊界考之獨石口外爲上都其西爲恆州張家口之西豐鎮之東爲撫州而寶昌則在察哈爾南界也又按興和路領高原懷安天成威甯四縣天成卽天鎮縣廳在天鎮西北邊外當爲興和路西北境又西則爲大同路之東北境

明初屬興和守禦千戶所後廢 明史地理志興和所洪武三十年置永樂二十年徙治宣府衛城而所地遂虛宣德衛洪武二十六年置後廢按興和所卽元興和路西有集甯路西北有寶昌州又有高原縣洪武中並廢所謂大同興和塞外諸郡已廢爲邱墟明初僅

置衛所正統間英宗北狩時諸衛所什伍虛耗盡皆徙置其後大同陽和天城各邊皆爲邊衛至嘉靖間叛人邱富等居豐州築城自衛號曰板升宣甯卽宣德衛在今豐鎮甯遠間而甯遠爲多

國朝初係蒙古察哈爾正黃正紅旗遊牧地其南毗連民地者爲太僕寺牧廠雍正三年以地土間曠招民墾種直隸宣化府張家口理事同知管理十三年經大同鎮總兵李如柏奏山西口外多有產礦山場聚匪滋事張家口廳鞭長莫及請設衛所員弁彈壓稽查奉部議准十三年經山西巡撫覺羅石麟奏准於新平路邊外地名高廟子設立豐川衛得勝路邊外地名衙門口設立鎮甯所衛設守備一員所設千總一員隸大同府管轄乾隆十五年因口外種地民人生齒日繁事務較多復經山西巡撫阿里袞奏明將豐川衛鎮甯所裁汰改設豐鎮廳以大同府分防陽高通判移駐管理二十一年改爲滿洲蒙古旗缺三十年經察哈爾都統奏請將太僕寺空出牧廠餘地東自哈檀和碩西至十八兒太迤長二百餘里召民認墾三十三年將通判一缺改爲同知仍隸山西大同府



疆域

疆成於積壤域定於分畛土疆山域澤疆水域此定制也周頌曰無此疆爾界商頌曰正域彼四方洵我

國家中外一統志義也考之周禮形方氏掌邦國之地正其封疆大司徒以天下之圖周知九州地域廣輪之數蓋度疆界紀域方所以辨土宜定地守焉至於分疆畫井各子其民而烟火相望比戶可封則守土者之責綦重矣

廳境東西廣二百七十里

南北袤二百五十里

東南至

京七百二十里西南至省八百二十里

東至直隸宣化府張家口廳界二百三十里

西至朔平府甯遠城廳界四十里

南至大同縣治得勝口界二十里

北至察哈爾正紅旗界四十里

東南至天鎮縣治新平口界二百三十里

西南至左雲縣治拒門堡界四十里

東北至察哈爾正黃旗界二百五十里

西北至察哈爾正紅旗界一百里

道路

周禮合方氏掌達天下之道路小行人掌天下之六節道路用旌節委人掌道路之委積凡國野之道十里有廬三十里有宿五十里有市而康莊衢達爾雅亦詳一達以訖九達之數凡以便往來通財利稽送逆待施惠道路之所係非淺鮮也我

朝龍興遼瀋定鼎燕京輶車往復幾徧海澨山陬久已王道蕩蕩王道平平矣故凡梯航貢職者莫不遵道遵路來享來王豈有限於道阻且長路途遙遠而不內附効順者哉夫通衢

固多要衝而僻路亦有坦途勿謂歧中有歧遂可畧而不志也

東由吉慶梁集賢莊大莊科平頂山張皋兒包家營高廟子等村凡二百三十里接張家口廳界

西由留雲窠保全莊聚寶莊等村凡四十里接甯遠城廳界

南由三臺道望城坡等村凡二十里接大同縣治得勝口界

北由澤落溝湧月灣三祝窠新瑞村等村凡四十里接察哈爾正紅旗界

東南由官屯堡黑土墩古城兒平遠頭等村凡二百三十里東接張家口廳界南接天鎮縣

治新平口界

西南由九成里常稔莊磚樓溝十四圈等村凡四十里西接甯遠城廳界南接左雲縣治拒門堡界

東北由永善莊隆盛莊三瑞里富貴邨豐盛堡黃榆窠等村凡二百五十里東接張家口廳界北接察哈爾正黃旗界

西北由悅來邨十八兒太太大壩溝慶雲莊等村凡一百里西接甯遠城廳界北接察哈爾正  
紅旗界

郵莊

周禮大司徒布瀆施教首於比閭族黨州鄉小司徒任土比民始於井邑邱甸鄉都由鄰里漸及鄉黨使之情義聯絡相助相扶持風俗成而後教化行所係非淺鮮也廳屬墾地之初村落寥寥穴居野處頗有上古風現今土廣民衆碁布星羅煙戶比鄰非復草茭露宿可謂庶矣富教之亟不能無厚望焉

東北鄉 二百六十六郵

得勝莊 距城十二里

二道溝 距城十二里

頭道溝 距城十五里

一素灣 距城十八里

二道邊 距城二十里

榆柏溝 距城二十五里

小莊窩 距城二十五里

黑圪塔窰 距城三十里

馬王廟 距城三十里

頭墩溝 距城三十五里

南井兒 距城四十里

北井兒 距城四十里

二十四水泉 距城四十里

常山窰 距城五十里

它它營 距城五十五里

十三溝 距城六十里

五烟圖 距城六十里

北吉燕 距城六十五里

西老背 距城六十五里

東老背 距城七十里

西柳溝 距城七十里

康家窰 距城七十五里

忻州窰 距城八十里

王家窰 距城九十里

永盛莊 距城四十里

官屯堡 距城五十里

井兒邨 距城六十里

擺烟圖 距城六十里

黑土臺 距城六十里

井泉窰 距城六十五里

豬兒崖 距城六十五里

東柳溝 距城七十里

豐收嶺 距城七十里

達什窰 距城八十里

趙家窰 距城八十五里

五官窰 距城九十里

留地窰 距城九十里

王半夜窰 距城一百二十里

榆樹溝 距城六十里

西地邨 距城六十里

三眼井 距城八十五里

飲馬溝 距城八十五里

小莊科 距城九十里

小南溝 距城九十五里

西梁後 距城九十五里

大東溝 距城一百里

土堡子 距城一百里

永和窰 距城一百一十里

石嘴子 距城一百一十五里

豐盛莊 距城一百一十五里

三圖營 距城一百二十里

海老窰 距城一百一十五里

三道邊 距城一百二十里

平頂山 距城一百二十里

東溝掌 距城一百二十里

趙子法窰 距城一百一十五里

張白槐窰 距城一百一里

高家窰 距城一百三十里

蘇菜溝 距城一百三十里

水泉窰 距城一百三十里

西溝掌 距城一百三十里

旗杆梁 距城一百三十里

五道嘴 距城一百四十里

渾源窯 距城一百四十里

六道溝 距城一百三十里

天花板 距城一百五十里

板拍縫溝 距城一百五十里

劉成官窯 距城一百五十里

色楞窯 距城二百里

李家窯 距城二百一十里

二道溝 距城二百一十五里

頭道溝 距城二百二十里

老松窯 距城一百四十里

抓風窯 距城一百四十里

王良弓窯 距城一百四十里

五道溝 距城一百三十里

張皋兒 距城一百五十里

老官窯 距城一百五十里

西溝門 距城一百五十五里

蘆草灣 距城二百里

楊蘭窯 距城二百一十里

三道溝 距城二百一十五里

高廟子 距城二百三十里

西石嘴 距城二百三十里



新平二墩 距城二百二十里

十五墩 距城二百二十里

八墩子 距城二百三十里

夏家窯 距城二百三十里

古城兒 距城二百四十里

舊馬屯 距城二百四十里

民間房 距城二百四十里

大石人 距城二百四十五里

粒我邨 距城二十里

玉成莊 距城四十里

廣收梁 距城五十里

集賢莊 距城五十五里

東石嘴 距城二百三十五里

十六墩 距城二百二十里

二十墩 距城二百三十里

韓家營 距城二百三十五里

木廠溝 距城二百四十里

頭臺子 距城二百四十里

平遠頭 距城二百四十里

吉慶梁 距城十五里

永善莊 距城三十里

艾蒿窰 距城四十五里

樂成莊 距城五十里

仁壽屯 距城五十五里

喜新嶺 距城六十里

豐樂窰 距城六十里

萬金莊 距城六十里

松柏莊 距城七十里

隆盛莊 距城八十里

百寶莊 距城八十里

四美莊 距城八十里

富家鄉 距城一百里

日新莊 距城一百里

元盛莊 距城一百二十里

九華嶺 距城一百二十五里

彩雲嶺 距城一百三十里

慶豐窰 距城五十里

毓秀莊 距城六十里

順成莊 距城七十里

天寶屯 距城八十里

拱照邨 距城八十里

三喜坪 距城九十里

重興窰 距城九十里

五福屯 距城一百里

平裕莊 距城一百一十里

復興莊 距城一百二十里

桃花嶺 距城一百三十里

富民莊 距城一百三十里

秀水窯 距城一百三十五里

昇平峪 距城一百四十里

慶雲邨 距城一百四十里

日昇莊 距城一百五十里

發祥邨 距城一百五十里

富貴邨 距城一百五十里

鄂博坪 距城一百七十里

永泰梁 距城一百七十里

仁里邨 距城一百八十里

近仁邨 距城二百里

裕如莊東窯 距城二百五里

十九溝 距城三十里

景星莊 距城一百四十里

聚財邨 距城一百四十里

福緣莊 距城一百四十里

三瑞里 距城一百三十里

柔遠邨 距城一百五十里

保和莊 距城一百六十里

永平邨 距城一百七十里

大甯莊 距城一百七十里

豐泰莊 距城一百九十里

裕如莊 距城二百里

野場邨 距城三十里

鄧家營 距城四十里

徐家營 距城四十里

十九山巖 距城四十里

朱家營 距城四十五里

金六兒營 距城四十五里

十五坡 距城五十里

大灘白家營 距城六十里

紅娘峪 距城六十里

南糴子窩 距城六十里

前灘二道邊 距城六十里

于家營 距城七十里

白家營 距城八十里

大興莊 距城九十里

田家營 距城四十里

西梁王家營 距城四十五里

碌砣溝 距城四十五里

大十三溝 距城五十里

朱家後營 距城五十里

楊家新營子 距城六十里

圪柳溝 距城七十里

北糴子窩 距城六十里

八墩口 距城七十里

王家營 距城八十里

大紅土溝 距城八十里

小紅土溝 距城九十里

正北溝 距城九十里

上白家營 距城一百里

五楨牛溝 距城一百里

大沙溝 距城一百一十里

灤州窰 距城一百一十里

山羊崖 距城一百二十里

東黃耀 距城一百二十里

站羊灣 距城一百二十里

新安營 距城一百二十五里

亮馬臺 距城一百二十五里

小邨兒窰 距城一百三十里

岳五道窰 距城一百三十里

大營子 距城九十里

老虎溝 距城一百里

黑土墩 距城一百里

葱地溝 距城一百一十里

大梁上 距城一百一十五里

二十窰 距城一百二十里

西黃溝 距城一百二十里

碓白溝 距城一百二十里

西山兒溝 距城一百二十五里

鹿交溝 距城一百二十五里

陳鬍子營 距城一百三十里

二道邊 距城一百四十里

石頭窯 距城一百五十里

小四道溝 距城一百五十五里

官屯堡窯 距城一百五十五里

二道半溝 距城一百六十里

二百溝掌 距城一百六十里

四道溝 距城一百六十里

興盛莊 距城一百六十里

長盛莊 距城一百六十里

班定營 距城一百六十里

土深邨 距城一百六十里

三道溝門 距城一百六十五里

頭道溝 距城一百七十里

二道溝門 距城一百七十里

三道溝掌 距城一百七十里

板深邨 距城一百七十里

大同窯 距城一百七十里

陶保窯 距城一百七十里

富貴窯 距城一百七十里

新地窯 距城一百七十里

興隆莊 距城一百七十里

烏拉哈答 距城一百八十里

包家營 距城一百八十里

管家堡窯 距城一百八十里

小梁子 距城一百八十里

拖布袋營 距城一百八十里

賈漢窰 距城一百八十五里

葫蘆蘇臺溝 距城一百八十五里

七家營 距城一百八十五里

盧家營 距城一百九十里

大榆樹溝 距城一百八十五里

陽和窰 距城一百九十里

小榆樹溝 距城一百九十里

白木匠窰 距城一百九十里

王家營 距城二百里

白家營 距城二百里

劉柱兒營 距城二百里

拉嗎營 距城二百里

曲寬窰 距城二百里

北京壩 距城二百里

七道溝 距城二百里

豐盛堡 距城二百里

小五道溝 距城二百五里

八姐窰 距城二百五里

店子上 距城二百一十里

董家窰 距城二百一十里

紅土窰 距城二百一十里

黑土窰 距城二百一十里

十八兒太 距城二百二十里

碾房窯 距城二百二十里

天城南窯 距城二百三十里

鴉兒帶營 距城二百三十里

西灣頭道營 距城二百二十里

南灣頭道營 距城二百三十五里

南灣二道營 距城二百四十里

豐裕莊 距城二百四十里

西北鄉 七十二鄉

留雲窯 距城八里

富喜邨 距城二十里

保全莊 距城二十里

常稔莊 距城二十五里

哈拉溝 距城二百二十里

田刺溝 距城二百三十里

北營子 距城二百三十里

西灣二道溝 距城二百二十里

不懺溝 距城二百三十五里

金家營 距城二百四十里

黃榆窰 距城二百五十里

九成里 距城十二里

悅來邨 距城二十里

餘慶莊 距城二十里

十一灣 距城二十里



石田嶺 距城三十里

磚樓溝 距城三十里

興盛溝 距城三十里

圜圖邨 距城三十里

十四圈 距城三十里

西十八兒太 距城三十里

山邨 距城三十里

聚寶莊 距城三十里

大有莊 距城三十里

盈收莊 距城三十里

洪潤莊 距城四十里

調元莊 距城四十里

太安嶺 距城四十里

慶噶卡倫 距城四十里

慶噶溝西梁 距城四十里

羊圈溝 距城四十五里

石莊子溝 距城四十五里

他拉大壩 距城四十五里

車道溝 距城五十里

柳條溝 距城五十里

臺子山 距城五十里

青椿子背 距城五十里

馬鞍山 距城五十里

大通溝 距城五十里

東廟溝

距城五十里

亂營溝門

距城六十里

鄧家梁前懷

距城六十里

聖水泉

距城六十里

太平圪塔

距城七十里

青楊林溝

距城七十里

白塔溝東梁

距城七十里

二道背

距城七十里

黃芪窠背

距城七十厘

永慶邨

距城七十里

鄂博山

距城八十里

二架圪塔

距城八十里

紅旗溝

距城六十里

鄧家梁

距城六十里

鄧家梁水泉

距城六十里

水泉溝

距城六十里

獮獮太

距城七十里

包頭溝

距城七十里

白塔溝西梁

距城七十里

黃花背

距城七十里

黃芪窠溝

距城七十里

興隆灣

距城八十里

亂營灘

距城八十里

三架圪塔

距城八十里

四架圪塔 距城八十里

狼窩溝 距城八十里

海留素太 距城八十里

井兒泉 距城八十里

額兒克營 距城八十里

萋菜背 距城八十里

雙水泉子 距城八十里

椴樹嘴 距城八十里

萬裕莊 距城八十里

豐盈莊 距城九十里

平安莊 距城九十里

裕後莊 距城九十里

民樂莊 距城九十里

吉泰莊 距城九十里

慶雲莊 距城一百里

春萌莊 距城一百里

南鄉 七邨

新城灣 距城五里

三臺道 距城八里

二十一溝 距城十里

五臺窰 距城十五里

四臺溝 距城十五里

焦山尾 距城十五里

河口灘 距城十八里

北鄉 一十七邨

衙門口 附城

湧月灣 距城十里

三祝窠 距城二十里

永旺莊 距城三十里

積玉莊 距城三十里

永豐莊 距城三十五里

吉祥邨 距城三十里

仁德邨 距城三十五里

新瑞邨 距城四十里

澤落溝 距城五里

興旺嶺 距城十五里

新安莊 距城二十五里

阜豐莊 距城三十里

玉寶莊 距城三十里

慶豐莊 距城三十五里

天德邨 距城三十五里

興盛邨 距城四十里

山川

粵稽虞舜封山濬川禹奠高山大川晉郭景純注山海經北魏酈道元撰水經注依古以來志地理者莫不因其脈絡原委分畛域定疆界焉顧山川終古不易而名號今昔頓殊以今例昔往往多未確切爰據現在名目考其支幹源流有與史籍證實者著之於篇所不知者闕焉

奚望山在得勝口外彌陀山之東新城得勝二河之所逕也西北距廳治十六里上有鬪鷄臺唐乾符中雲中守捉使李克用偕程懷信等募士萬人次於此今名望城坡

三台道山在望城坡西北高坡叢石路徑險仄西北距廳治八里許得勝河西來逕之一名三台道河東南注於新城河省志載焦山在大同北明嘉靖間大同叛卒亡出塞退保焦山今朔平府左雲縣之焦山在助馬邊內與出塞之說不合三台道爲得勝口外出入要路現在設兵防汛左邊有村名焦山尾疑焦山卽三台道山

尖山子南距廳治三十五里其西北爲大壩山距廳治四十里越兩山而北爲五字圖廟及

蒙古賽拉嗎克特不黑地又北則察哈爾正黃旗南界

白牙义山在大壩山之東東南距廳治三十里下有村名十八兒太蓋言黃土溝也西接甯遠廳治東連石田嶺嶺東南距廳治二十里

留雲山在廳治西北五里下有留雲窰迤東陂阜橫亘亂石犖塢城北枕以爲險興望嶺在留雲山之東北南距廳治十里

石元山西距廳治里餘盤踞二里高六十丈有奇平野獨秀如擎芝蓋新城河北來逕其右亦名新城山其左靈泉出焉東南注於新城河嶺有古寨址傳是五代周德威屯兵處又云是唐薛剛寨俱無證實旁古井一深不可測以小石投之鏗鉤震蕩良久乃寂

飛來峯卽小石元山西距廳治二里山嶺有金龍大王廟廟前百步許卽靈泉發源處因在石元山東故名小石元山

二龍山俗名二八洞山其山委蛇蜿蜒酷肖龍形西南距廳治五里山前有飛來峯卽金龍大王建廟處

金鵝山在新城灣之村西西距廳治五里山形如鵝土人因名金鵝撲水

馬脊山在河口灘北西距廳治十五里形如馬脊因呼馬脊山頭道溝河逕其左二道溝水在其右二水俱南注新城河

東山巖在馬脊山東西距廳治二十里南北橫臥陂阜崎嶇

十九山巖在得勝邊外東山巖之南西北距廳治二十五里

牛心山在新城河之東北豐樂寨村西西南距廳治六十里孤峯直上高五百丈有奇其巔有墩高數丈周五丈許俱砌以石上有草似蓆麻最茂密蟋蟀羣飛環繞墩上而山下則無其西北重巖複岫若拱若翼直跨正黃旗遊牧地下掘長塹爲界環山屈曲蒙古營帳碁布塹外陟巔北眺則威海菱角葫蘆諸海了了可辨大青山委蛇西來雲霧杳冥遠在二百里外考魏書太祖登國元年自弩山遷幸牛川屯于延水南天賜三年行幸青牛山西登武要北原觀九十九泉按于延水卽今東洋河九十九泉在歸化城北青塚南武要於漢屬定襄郡亦近今朔平邊外疑青牛卽今牛心山而山北之平川亦近古牛川也明

嘉靖間大同烽警時總兵梁震戰捷牛心山則在今右玉縣南四十五里亦與歸化城西  
北百十里之牛心山別

廣收梁在牛心山之西少南西南距廳治五十里

八稜山松柏山俱在廣收梁東俱西南距廳治八十里

稜一作楞

盤羊山蒙古名衣馬圖在鎮川口外西北距廳治八十里東南接乾柴洞山土人云舊產盤  
羊卽獬羊代都賦所謂獬羊養草以盤旋是也盤與蟠通用北魏太祖天賜四年夏五月  
北巡自參合陂東過蟠羊山太宗泰昌六年六月北巡至蟠羊山疑卽此與歸化城東北  
七十里蟠羊山別

乾柴洞山在守口邊外清涼嶺之北西北距廳治百里舊有礦洞今封塞

清涼嶺在守口邊外雲門山西北西距廳治百三十里重巒疊嶺霞蔚雲蒸連山隱隱東出  
遼塞其巔爲神谷有穴名風洞邃不可測東通天鎮風神山石洞守口河導源其麓卽古  
鴈門水也一名南洋河水經注鴈門水出鴈門山在高柳北今考其地陽高縣西北二十



里有虎兒山又西有猴兒山守口河自兩山間出名開山口金史謂之墨谷口崇慶元年元帥左都監奧屯襄救西京至墨谷口一軍盡殪迤北有擅風崖卽古高柳塞鴈門山卽雲門以東諸山與勾注之鴈門別

雲門山在清涼嶺東南西距廳治百一十里與陽高之雲門毗連西南接大同採掠山東北連天鎮環翠山延袤百餘里山嵐疊翠如列平障亦名翠屏山卽古之青陂山唐地理志所謂雲州有青陂道爲出兵路梁元帝橫吹曲云朝跋青陂道是也遼之長青縣以此得名又名青龍山石色青黑頭南尾北委蛇蜿蜒酷肖龍形故名青龍上有懸雲觀諸勝境詳祠祀其東爲鍊襄門爲大小鶉鴿峪口明嘉靖間王邦直率義兵出塞抵鶉鴿峪卽其處也

鶉鴿峪在鎮甯堡邊外西北距廳治百八十里明一統志衛當東最衝有白羊口鶉鴿峪萬歷間王邦直爲虜所害處

五煙圖山西距廳治六十里

紅娘山在五煙圖山西南色如渥赭草木不生故名紅娘西距廳治六十里

慈老壩西北距廳治百八十里南直鐵裏門徐化溥詩引塞上一種似鴈非鴈與鴈往來名曰慈老山之受名未詳或曰卽鵝鵠峪

豐收嶺在五煙圖之東西距廳治七十里

天花板山西距廳治百三十里

猴兒山在永善莊西北南距廳治四十里有故城址今圯傳是薛剛妻避難處無可證實土人於雨後黎明時每見城現又聞城內有演武教戰之聲誕妄不經姑存其說

雙乳山在隆盛莊西南距廳治百里有奇兩峯並峙高數十丈層崖聳秀中有微林葱蘢叢雜下有清泉清潔潺湲遙望其形宛如雙乳故名

奶坡山在四美莊西北西南距廳治八十里山之受名與雙乳同山下有海周百頃餘四季不涸近年海側村農因水佔地擬議鑿渠放流別處有形家者言奶坡有海猶乳有汁該村自開地以來未遭旱潦之災利益賴是開放奚爲渠議遂止至今稱乳海焉

狼頭山東接旗杆梁西南距廳治百二十里疑卽古豺山北魏離宮所在也

平頂山在狼頭山之東西距廳治百二十里東西延長十餘里與明暗山接北連桃花彩雲  
二嶺

桃花嶺在平頂山北西南距廳治百三十里

彩雲嶺在桃花嶺少西西南距廳治百三十里

玉泉山在彩雲嶺西頂有清泉西南距廳治百二十里

惱包山卽察哈奧包山上壘石爲小祠蒙古俗謂之奧包一作鄂博故稱奧包山在玉泉山之北少西西南距廳治百二十里

三道溝山西北距廳治百四十里水泉壩西北距廳治二百里兩山之間曰葫蘆速太猶言榆樹溝有龍泉寺飲馬池東西二灣西洋河導源於此東入馬市口古延鄉水也水經注

延鄉水出延陵縣西山

按山西通志載唐太宗飲馬於龍泉寺作飲馬長城窟行蓋指此飲馬池而言然漢樂府詩已有此題詠恐據此亦未確切

黑山子在正黃旗之南西南距廳治二百里按明史嘉靖間大同烽警時前衛總兵周尙文

與戰黑山進至涼城水經注如渾水出涼城旋鴻縣卽今察哈爾境內之葫蘆海在黑山之北疑周尙文戰處卽此山也王越周璽傳亦稱黑石崖疑一山異名然府境稱黑石崖者甚多未能確指其處又古豐州境內有黑山與雲內州夾山相連則在今歸化城西南非此黑山

雙山在西洋河之北新平堡邊牆外西南距廳治二百四十里兩峯對峙巒嶂重疊三春積雪不消謂之雙山積雪金史撫州柔遠縣有雙山世宗大定二十七年秋獵次雙山子卽此

大青山蒙古名庫庫和邵在高廟子北西南距廳治二百三十里西接察哈爾正黃旗界東一峯尤高蒼翠峻嶒故土人謂大青山東洋河北來繞其麓東入直隸懷安縣界同治年間農人山麓耕田得紅色石一塊長數寸似玉而不甚光澤未知何物其友京師懋遷攜之代售獲二金居民聞知競往剗取石有五色徑二三寸長尺餘不等蓋砮砮類也然今不易有矣

蘇木山在木廠溝村南西距廳治二百里山產蘇木樺木俱不成材按詩山有扶蘇注扶蘇猶扶胥小木也因名蘇木山

新城河卽如渾河源出正紅旗葫蘆海今名三泉兒水經注如渾水出涼城旋鴻縣由小草地河東南流會車道白塔溝喇嘛溝徯徯太諸河合流注於九龍灣河至賽拉嗎克特不黑流入廳境永旺莊南流逕三祝窰又南逕湧月灣三瑞里河東來注之又南逕慈老溝又東南逕新城灣謂之新城河靈泉自左注之又南逕三臺道山後營水西來注之東流逕焦山尾又東南逕河口灘潘家圪塔大莊科河東來注之行廳境凡五十餘里由鎮羌堡水口流入大同縣界

得勝河一名三臺道河源出察哈爾正紅旗遊牧地由朔平府屬甯遠廳東流入廳境西二十五里民地名常稔莊又東逕富喜村東南逕二十一溝五臺窰東北流逕三臺道山注於如渾水

靈泉出廳治東石元山麓東北百步許清冽淵涵時有物蜿蜒其上禱雨多驗其水西南流

屈逕山南又南逕新城灣村注於如渾水

馬厰河源出台子山東流逕廣德村入聚寶莊河

聚寶莊河源出恩義村東南流逕黃羊嶺溝又東南逕廣德村馬厰河西來注之又東南逕聚寶莊又東南逕保全莊又南逕留雲窰村又東逕富喜村注於後營水謂之得勝河

留雲窰水源出留雲山麓泉孔最多平灘湧出衆水會成河南流注於聚寶莊河

大莊科河源出大小飲馬溝西流逕大莊科又西逕黑土台又西逕忻州營又西南逕西瓦窰又南逕廣財溝大梁河東來注之又西南流至潘家圪塔注於新城河

大梁河源出守口邊外西北舊大梁之西麓西流半里許卽伏又西由豐收嶺至豬兒崖泉水湧出細流不竭又西逕北吉燕又西逕擺煙圖土人引以灌園出村外又伏又西由沙溝堰至小山子泉孔沸騰四時不涸又西逕慶豐窰河南田畝灌溉十餘頃又西逕馬王廟又西逕廣財溝西南注於大莊科河

官屯堡河源出村西北山麓南流二十里入鎮川口大同縣界

南邊口水源出廳境南灣東流從樺門山入天鎮縣界

延鄉水即今西洋河導源廳治東北百八十五里山溝蒙古謂之葫蘆速太其水由七家營

東流逕高廟子東石嘴俗名頭道河東流入天鎮縣之平遠水口水經注延鄉水出延陵

縣西山東逕延陵縣故城北俗謂之琦城川又東逕羅亭又東逕馬城北又東注修水一

統志延鄉水在天鎮縣西北邊牆外一名西洋河

于延水一名修水即今東洋河由察哈爾正黃旗五祿戶灘發源南流逕一大山俗呼為大

青山又南逕八戒窰黑土窰屈而東逕碾房窰謂之二道河又東入直隸懷安界山海經

梁渠之山修水出焉漢書地理志代郡且如縣有于延水出塞外東至霽入沽魏書登國

元年帝自弩山遷幸牛川屯于延水南水經注于延水出塞外柔元鎮西長川城南小山

東南流逕且如縣故城南即修水也又東逕馬城縣故城北俗謂是水為河頭

河頭出戎方土俗變耳又東逕零丁城南右合延鄉水又東南流大甯郡北右注鴈門水自下通謂之于延水

合數條考之柔元鎮近今正黃旗五祿戶灘且如近廳境東北馬城近懷安零丁近萬全

長川城南小山卽梁渠山後漢書永初三年敗五原郡兵於高渠谷東觀記曰戰九原高梁谷疑卽山海經所稱梁渠山也一統志云于延水在天鎮縣北一名修水一名東洋河源出縣北邊牆外時豐鎮未設耳

琦城川地理志延鄉水出延陵縣西山東逕延陵縣故城俗謂之琦城川按此當在新平口城北西洋河按廣靈縣本漢延陵縣地屬代郡東漢省漢書地理志代郡有延陵史記趙孝成王十八年延陵鈞率師從相國信平君助魏攻燕徐廣曰代郡有延陵縣是卽路史所謂延陵有五其一在代者也今考其地古延陵縣在廳境東北近天鎮縣去廣靈縣三百餘里不得牽混

附考

牛川通鑑晉太元十一年拓跋珪大會於牛川卽王位魏紀窟咄之來寇也珪乞師於燕自弩川至牛川屯于延水南則牛川亦在且如塞外矣今考其地當在察哈爾正黃旗南界卽今廳屬牛心山北之平川也

附考

鴛鴦河發源於正黃旗五股泉西南流至元山子謂之鴛鴦河卽遼景宗興宗道宗屢幸之



鴛鴦灤又折而東南流逕二道河村北注於後河東流入直隸界

水利附

粵稽大禹濬畎澮匠人爲溝洫爲民興水利除水患也自井田廢而水道之法湮旱則赤地千里潦則洪流萬頃雨暘不盡時若人惟聽命於天而已第水利之設東南爲最塞北多高原少下隰蓄洩之法率多不諳然一堰一渠農事攸關誠能相土之宜凡陂塘渠堰因勢而修治利導旱則蓄之潦則洩之雖有凶災而民不困何患利之不溥歟

富東渠在新城河東一帶園圃胥賴灌溉種蔬者養贍其家鬻販者亦資生焉

靈泉在把總營村西北村民導水灌畦南流逕新城灣村引以溉圃

城南菜圃甚夥胥用桔槔汲水以灌畦

四城窪村北亦以桔槔取新城河水溉圃

三祝窪村有清泉土人引以運磨下流注新城河逕慈老溝村鑿渠運磨兼溉田園

大莊科河由大小飲馬溝西南流至頭道溝一素灣等村導以溉田又南流至潘家坨塔鑿

渠溉田兼運水磨

豬兒崖水西流至擺烟圖村鑿渠溉圃溉田

小山村水西流至慶豐窑河南玉來園引以溉田

渾源渠在張皋鎮北導源於駱駝山又名筆架山南流注於鎮東北隅龍王廟海子內復匯出西流逕鎮北入渠過淮銀橋又西流會湧金渠水西北流入於二道河村北後河土人言此水通張家口銅橋河鎮地窪下水來無洩相傳堪輿家謂此處有九達通衢是爲九龍混水故無水害

湧金渠在張皋鎮南每遇暴雨南山諸水漲發北流直注西街由巡司署前繞西灘入渠西北流入渾源渠向因鎮地低窪西南逼近四五道溝諸山水來有蓄無洩故有是渠又形家有案潮投懷貴若湧金之說因名渠曰湧金渠壩曰湧金壩壩上有石碑二一係乾隆五十一年刊勒字迹多殘缺難識一係嘉慶五年重修渠壩建立碑陰鐫前巡檢朱煌撰文

## 形勝

孟子云固國不以山谿之險吳子云在德不在險似形勝非所重也然秦據崤函而稱帝楚恃漢水以僭王蕭相入關收籍具知天下阨塞張子房借箸運籌分晰山川要害馬伏波聚米爲山指畫地域勢形所以固封疆完要塞謹關梁蹊徑者卽易所謂王公設險以守其國也則慎固封守誠要務焉豐鎮邊外一隅雖無劍閣潼關之險而南扼長城東通居庸北跨洋河西連岱海不特爲三晉之藩籬且爲

神京之鎖鑰我

國家疆輿式廓向係蒙古牧壤今皆設官建邑制同腹裏莅斯土者其無忘設險以守之意也乎

望城坡在得勝口外北距廳治一十六里與三臺道山橫互聯絡足爲內地屏障

三臺道山在廳治南七八里高坡叢石路徑險仄中通山溝一道爲得勝口出入要路現設

汛兵防守

三祝窠在廳治北二十里南通湧月灣北連察哈爾正紅旗界平沙曠野惟新城河一道流出兩山之間遶北而東而南可稱天險

保全庄在廳治西少北二十里窪下積水泥淖難行東南接留雲窠西通甯遠城界現設汛兵防守

十八兒太東南距廳治三十里在白牙叉山北麓又北爲大壩山西通甯遠踰大壩而北爲察哈爾正紅旗界險類鴈門

東山巖在廳治東北六十里南北橫列如屏北連八稜山山左爲拱照村右爲樂成莊俱設汛兵防守

平頂大山在廳治東一百二十里北連桃花彩雲二嶺迤東通張皋兒包家營高廟子各村直達張家口西南至集賢莊二十里中有峻嶺深溝嶮巖泥淖頗稱緊要

四美莊在廳治東北八十里地勢平坦無險額設官兵駐防又北爲隆盛平裕二莊皆與察哈爾南界毗連設兵防守

高廟子西南距廳治二百三十里東通張家口北有二道河又西北有黑山子中有哈拉溝  
一道路通察哈爾正黃旗界現設豐川營官兵防守

貓兒莊省志云在陽高縣北一百里其北二十里有口子牆以今考當在四美莊大莊科之  
間疑卽俗名帽兒山

八墩口在鎮川口外西爲十九山毗連邊牆

石人口在鎮門口外少東今名大石人

外塞在大邊外形如偃月東西皆附於舊塞明嘉靖二十八年築今廢址尙存周經重脩大  
邊記大同於九十里外築小城曰小邊於百里外築大城曰大邊

## 古蹟

地閱人而蹟著人閱世而古名燕然紀勳峴山墮淚往蹟流傳洵足重也豐鎮爲前代蒙古地遺蹟蓋寡然而芒芒舊壤城邑雖非山川猶是觀乎版築秦趙之故址尙存披乎輿圖魏遼之荒墟宛在後之視今猶今視昔故異躅芳蹤好事者每多咨賞而斷碣殘碑過其下者亦歛歔而不忍去豈非興廢存亡之感入人有甚深耶倘無景行仰止之思而徒憑高弔古感慨係之無益也

古長城廳治北察哈爾界有古城址相傳秦始皇築土色皆紫故名紫塞按載籍云秦長城起臨洮至遼東則雲代在其中或云今內三關之間有版築迹與起洮洮至遼海者爲一城爲秦之長城其在宣大以北者起赤城止五原乃元魏泰常八年所築按史記趙肅侯築長城自雲中以北至代武靈王自代並陰山下至高闕爲塞秦并天下北築長城起臨洮至遼東延袤萬餘里是長城始於戰國而亘萬里以爲限者特因其舊而增拓之考漢書地理志雲中鴈門代郡皆秦置故史記云渡河據陽山透蛇而北也水經注陽山卽陰山

一統志陰山卽大青山在今歸化城北二十里東接察哈爾界廳在陰山東南得漢雲中東境代西北境故應在秦長城內矣大率趙秦洎北魏舊蹟俱在明邊垣之外其在內三關者疑齊隋以後所築或北宋時遺址緣宋時跨忻代應等州爲界耳

且如故城漢書地理志代郡且如縣有于延水出塞外水經注于延水出塞外柔元鎮西長川城南小山東南流逕且如縣故城南又東南逕馬城縣故城北俗謂是水爲河頭又于延水卽今東洋河源出廳東北察哈爾正黃旗五祿戶灘南流逕八戒窰黑土窰折而東逕碾房窰田刺溝又東流入直隸張家口與葛河合是馬城當在廳東界且如當在廳東北界矣且如亦作沮洳北魏神瑞二年行幸沮洳城卽此縣志云馬城故城在今察哈爾正黃旗哈洮河之南

成樂故城金史地理志大同縣有盛樂城按盛樂漢志作成樂定襄郡治魏書穆帝統一部居定襄之盛樂故城卽此

單于臺廳西北察哈爾正紅旗界俗稱議事臺漢武帝元封初勒兵十八萬騎登此通典雲

中單于臺漢武自將待邊處

飲馬長城窟卽白道泉綱目集覽曰白道在古雲中郡省志云大同北有白道泉天鎮縣志西洋河源出邊外飲馬池東西二灣今民地內有名飲馬溝小飲馬溝者疑卽古長城窟也

又天鎮縣北四十里廢樺門堡有飲馬長城窟碑

按史記趙武靈王築長城自代並陰山水經注白道嶺上有垣若頽基沿溪亘嶺東西無極則古長城在歸化城北陰山疑趙武靈王之所築也一統志陰山卽大青山歸化城志陰山一名翁公山在城北三十五里有元時建甸城廢址西自河套之北起吳喇忒西境東至歸化城東北層巒峻嶺綿亘五百餘里自西而東諸山雖土名不一皆陰山也而翁公勢尤高魏書太宗紀太常四年西巡雲中踰白道水經注芒千水西南逕白道南谷口有長城背山面澤謂之白道嶺沿路惟土穴出泉挹之不竭廣韻穴窟也綱目集覽曰白道在古雲中郡一統志新雲中在大同北郭外古雲中在豐勝之間相去四百餘里以



今地界覈之新雲中卽豐鎮古雲中卽歸化城歸化城志雲州故城在城西南明新設衛  
宣德四年於豐州西南築城後徙於大同城內今豐鎮距歸化城三百六十里而曰四百  
餘里蓋指雲州故城而言是長城窟卽白道泉在歸化城北無疑省志云大同北有白道  
泉誤矣又按天鎮縣志西洋河源出邊外飲馬池東西二灣今民地內有榆樹溝蒙古謂  
之葫蘆速太在三道溝水泉壩兩山之間西洋河發源於此東流從馬市口入天鎮縣界  
是飲馬池東至天鎮長城僅數十里正紅旗南界民地內有飲馬泉南至得勝口長城一  
百二十里粒峩村東南有飲馬溝大莊河北東逕之南至得勝口長城十六里苦大莊科  
東之飲馬溝小飲馬溝大東溝水蟠羊山水皆注此水南距鎮川口長城九十餘里古飲  
馬長城窟未知孰是府志疑飲馬溝小飲馬溝卽古長城窟似亦不合附錄於此以俟博  
古者訂正焉

延陵故城一統志在天鎮縣北邊牆外本趙邑史記趙世家孝成王十八年延陵鈞率師從  
相國信平君助魏攻燕漢置延陵縣屬代郡後漢廢水經注延鄉水東逕延陵故城北地

理風俗記當城西北有延陵鄉故縣也今考其地當在新平口外諸村若以廣靈縣本漢延陵縣牽混之則相去遠甚未免大誤

單于都護府唐書雲中都護府龍朔三年置麟德初徙瀚海都護府於古雲中城號雲中都護府改雲中爲單于大都護府以殷王旭輪爲單于都護載籍云瀚海所徙史文曰古雲中單于府所置但曰雲中是其時有新舊兩城也一統志新雲中在大同北郭外古雲中在豐勝之間相去四百餘里

柔元鎮撫冥鎮一統志柔元鎮在天鎮東北邊牆外按水經注于延水出塞外柔元鎮魏書孝文紀太和十八年幸柔元鎮胡三省通鑑註柔元鎮在漢且如縣西北塞外其西卽撫冥鎮則柔元當在正黃旗界撫冥當在正紅旗界皆與廳北境毗連

馬射臺魏書世祖始光元年築馬射臺於長川上親登臺觀走馬王公諸國君以下馳射賜中者金錦繒絮各有差按長川在柔元鎮西北其南卽泰昌八年築城處也疑今廳境內之亮馬臺是其故址

豹山宮北魏離宮也天興六年築於豹山遂名魏書天賜三年正月北巡豹山宮校獵四月復幸豹山宮遂登定襄角史山又幸馬城五年行幸豹山宮遂如參合陂按定襄馬城參合俱在今府北說詳沿革是豹山必附近代都今廳境所稱狼頭山者疑近古豹山然無可證實

獨谷孤城水經注如渾水出涼城旋鴻縣西南五十餘里東流逕故城南北俗謂獨谷孤城水亦卽名焉又東南流逕永固縣因山堂之目以氏縣也按如渾水源出塞外之葫蘆海南流入得勝口東南逕方嶺右脇相傳上有北魏遺址卽永固石室也今考其地永固縣當在得勝口內獨谷孤城則在廳境永旺莊左近矣

鬪雞臺在岐王山唐乾符三年雲中守捉使李克用偕程懷信等募士萬人趨雲州次鬪雞臺卽此岐王山詳見山川

石元山寨相傳後唐周德威屯兵處寨址尙存又云薛剛避難處

附塚墓

金雁甫侈於泉下玉盃已出於人間此光武所以獨崇夫古葬昭陵所以獨全於寇亂也抑更有進者柳季之壠樵猶却步萇宏之血碧化他年俾憑弔者悼九泉之不作顧一坏而泣然夫亦存乎其人也彼魯隱公營菟裘趙文子觀九原豈非感浪死而念虛生哉如徒對荒塚纍纍而曰令人不樂令人不得不哀所見猶淺耳隋楊俊曰人生求名史書足矣何以碑爲若不能保家徒與人作鎮石耳然則誌銘不如史乘也

北魏定陵公和跋塚在豺山魏書道武幸豺山收跋刑之後太武幸豺山校獵山忽霧四塞怪問之羣下僉言跋世居此祠塚猶存或者能致斯變乃遣建興公古弼祭以二牲霧卽除後太武蒐狩之日必先祭之

金左丞相紇石烈良弼墓良弼居宣甯大定十八年卒於西京命翰林待制移刺履勒銘墓碑

廳治西南里許地名西四城有古墓土人呼爲王墓後有廢城址猶存

廳治東一百五十里老官窰村山上有老官墳墓趾纍纍傳是牧羊人後居大官卒葬於

此

廳治東北二百五十里察哈爾正黃旗南界有一塚俗呼王墓墓前有石翁仲四如古太監形石猪石羊石馬猶存

彩雲嶺之麓半崖塌出一小穴村童隨其父力田見禽飛入穴中呼其父用鋤刨之穴愈大村農望見悉來掘之乃一古墓中有一棺鐵裹未朽知是王宦之塚遂封塞如故以上四墓惜文獻無徵終不知爲何許人何時代也

## 景致

寰輿傳記例載勝景大同舊志別立景物一門至八景名色爭效西湖瀟湘志蓋以八景宜人足令山川生色也豐地僻壤雖無閬岑蓬島之觀鳳嶺龍門之勝然山秀水清柳暗花明誠有豁人心目者况長城狐塞控東南菱角葫蘆環西北其間靈奇蒼翠無非星土人物之精氣所鍾聚固不徒風光物景別有異致克爲都邑增輝且足供騷人逸士嘯歌登臨飛觴賭韻也故仍沿舊例志爲八則云

青山寶藏在大青山山盤踞百餘里一峯特出尤高山麓居民某入山採樵沿溪行路轉峯迴渾忘遐邇到水窮處斷壁千仞下有石穴某探之得五色石數枚六稜若削長尺餘光怪陸離亦不知爲何物攜歸頗不貴視之置几上兒童以爲玩具有客自燕來見而異之曰此旱精也胡爲乎來哉某述所遇與客偕往復尋舊路見水源不一遂迷故處徘徊半日但見怪石嶙峋清流激湍一嶺白雲滿徑黃葉而已某與客惆悵而返

碧海風濤在岱海與察哈爾鑲紅旗連界周數百里深不可測一望無際每當春秋之交風

濤大作浪高丈餘若林立若雲垂峻嶺奇峯重見疊出傾刻萬變莫可名狀洵塞外奇觀也

雲門古洞在雲門山山半有觀觀旁有泉泉上有洞相傳爲王栩祖師修真處洞口苔封若隱若顯遙望之甚真觀中道士言風雨晦明時嘗聞盂聲不絕距三五里許靜聆之最嘹唳蹤跡則杳洞外浮圖龍蛇有時盤繞其上見人亦不甚避其靈異有如此者其他古跡詳山川志

煙浦靈泉在石元山左其地有泉甚清冽深不見底天旱禱雨投瓶其中有神物傾瓶水滿卽雨無不應者因於泉上飛來峯頂建金龍大王祠四時香火不絕早晚天晴風靜泉中似有呼吸之者滿城炊烟趨之如鶩雲覆其上將石元山圍繞如盤捧珠久而不散

牛心獨秀在城北牛心山孤峯聳翠上出重霄遠望奇峭天然若削及登巔一覽如身入雲際星辰可摘古詩云不敢高聲語恐驚天上人彷彿似之俯視遠近諸山皆培塿矣可謂雄鎮邊疆憂憂獨造者歟

馬脊雙流在城東南馬脊山此地有清泉二從山之東西分流而出映帶左右又有人家田園廬舍樹木陰翳雖不比名山大川開人心胸識見而山之秀水之清山陰蘭亭不是過也一觴一詠豈不足以暢叙幽情乎

海樓夜月在飛來峯頂純陽閣下望海樓樓前浦平如掌周圍數里許因靈泉發源積水成海故名樓當春暖冰融水光天色上下相映抑或長烟一空皓月千里浮光耀金靜影沈璧騷人韻士多會於此或對景懷人或感時起興倡酬交錯把酒論文至更深露冷尤低徊留之不忍去

山寺朝霞在城東北隅靈巖寺寺依山之麓九十九級而至其巔廻闌曲折處有禪室二負山面水盤踞雲間憑闌眺望河東場圃星羅碁列採掠雲門紅娘諸山亦送青於几席之上當月落天曉日將出時霞光射來樓閣樹石俱成赤色而於積雨初霽後尤奇



## 營建

上古穴居野處不言建置雖黃帝制宮室伯鯨築城郭伊祁茅茨土階載籍可稽而亦無營建明文自周禮匠人曰建國曰營國詩序言衛文公始建城市而營宮室春秋葺舊書城創始書築厥制始詳蓋甚重乎其事也我

朝拓宇開疆田野日廣凡蒙古遊牧駐地疊次設官建邑故入其境而城郭完倉廩繕祠廟肅傳舍無稽程行旅不病涉則長吏之無廢事也可知表厥宅里綽楔相望則通邑之無流風也可知而特是窮邊極塞本前代戎馬出沒之區今雖制同腹裏而揆諸有備無患之義則禦暴守險營建其大要也故志之

## 城池

豐鎮爲雲中後戶自乾隆十五年裁汰豐川鎮甯衛所改設馬廳以來並無金湯之險足以固圉後雖倚山砌石環築土墉制類堡寨所恃衆志成城用作屏翰保障一方俾羣幕氈帳之徒不敢南下而牧馬而呂新吾先生云郡縣高城深池非如竹籬土垣遮人眼目則守斯

土者所宜隨時修葺補其殘缺庶備豫不虞有合於重門待暴蓋取諸豫之意也乎

豐鎮舊在得勝口邊外地名衙門口村乾隆十八年大朔理事通判色明率民創築土城周  
五百七十五丈東西南三面均高一丈厚四尺各開門以司啓閉北面倚山砌石高七尺  
厚三尺二十一年開放牧地招民墾種漸次煙戶懋遷厪舍鱗密環土城而居者較之城  
內更繁三十八年同知八格勸諭商農捐貲展築仍舊土垣周八百四十五丈五尺東西  
南均高一丈基厚五尺頂廣一尺四寸西北隅築小土牆高七尺基厚三尺頂廣八寸北  
面接砌石垣高七尺厚三尺頂廣一尺西面濠廣三尺深七尺南面濠廣三尺深二尺門  
五曰東門曰東北門門外加築甕城曰西門曰西北門曰南門題曰永甯嗣後居民比櫛  
毫無隙地道光二十年同知興齡捐俸勸輸復行展拓仍築土墉周一千六百七十三丈  
五尺東西南均高一丈五尺基厚五尺頂廣二尺北面仍砌石牆高九尺基厚四尺頂廣  
二尺又建浮圖於北山巔名文筆塔今圯廢門如舊制

祠祀

祀典有五法施於民以死勤事以勞定國禦大菑捍大患是雖神道設教而實明德惟馨也  
豐鎮祠廟合於典者舉之莫廢豈梁武溺數十萬衆於淮上而虛崇同泰浮圖宋徽棄萬生  
靈於山後而徒高神霄教主孽自己作猶妄祈福乞報乎夫蚩蚩顛蒙勸以福善之說而忽  
然者懲以禍淫之說而惕然矣故人雖愍不畏死猶知向木形土偶而稽首是衆教亦足補  
聖化之窮苟非狄梁之毀淫豈爲端木之去餼周公曰祀於新邑咸秩無文言雖祀典不載  
而義所當祀亦敍而祭之彼創始者必有取焉然則廳俗輝金煌碧暮鼓晨鐘亦未可厚非  
者詎得以蠱惑人心而槩廢歟

城隍廟在城內西街乾隆三十三年同知威中額三十七年同知八格建四十五年同知春  
普署同知增祿修六十年同知湍東額重修增建抱廈道光八年同知松祿咸豐四年同  
知恒祐相繼修葺俱有碑記

龍王廟在城內東街乾隆七年鎮甯所千總張祖述建四十五年署同知增祿修五十五年  
同知成熙五十九年同知湍東額重修嘉慶元年增建鼓樓道光二十七年同知書勳同

治四年同知文山六年同知成錦相繼重修俱有碑記

廳境高廟子張皋兒大莊科四美莊官屯堡等處及各村莊龍王

廟俱係創建  
茲不備載

關帝廟在城內東街乾隆十一年大朔理事通判長世圖創建五十六年同知阿永修嘉慶八年同知訥福署同知明祥二十年同知松音道光十五年同知松祿咸豐二年同知恒祐署同知伊麟泰署同知慶麟光緒六年闔城鋪商相繼重修俱有碑記一在奧包山巔乾隆四十八年創建有碑記行旅經此必詣廟拜跪有禱卽應匾額層疊香火不絕住持云此廟乃天現也乾隆三十年此地尙未陞科農人味爽開墾見奧包旁有廟宛然關帝宮當雲興雨霽時尤顯明遂於山腰建小祠後因時祀不便乃移廟於天現所增其式廓東南隅鼓樓近奧包焉嗣後屢次修葺石刻俱詳茲不贅一在廳治東百里舊大梁山徑險巘爲守口出入要路緣鳥道盤旋曲折而登攀崖踰嶺不啻羊腸坂蠶叢路之危峻行旅病之土人因建 關帝廟於山椒云

大王廟在城東二里小石元山舊有小祠祀金龍大王在今廟後石奧包側係遼天慶五年

建修嘉慶十九年同知松音重修移廟於山巔前近靈泉改建大殿三楹寢宮三楹道光二年同知松祿重修七年復於廟西南隅創建 呂祖閣一楹名看海樓閣右建亭二楹牌坊一楹院內腰亭三楹廚室二間二十四年同知聯綬又於後院寢宮左側建保嬰聖母祠右側建增福財神祠各一楹油酒仙翁附祀於 財神祠內咸豐二年同知恒祐重修俱有碑記一在城內 龍王廟左側乾隆二十四年通判圖明阿建聖母廟在城內 關帝廟左側乾隆二十一年通判觀光建

財神廟在城內 關帝廟右側內兼祀 馬王乾隆二十一年通判觀光建一在城內西街光緒二年同知薩麟建有碑記

八蜡廟在城內東街 霜神廟西乾隆二十六年通判圖明阿建廟內兼祀 五穀神

霜神廟在 八蜡廟左 龍王廟右 風神 湖神附祀 龍王廟內俱乾隆二十一年同知八格建

火神廟在 關帝廟右 龍王廟左乾隆六十年建 老君 魯班 孫臏 吳道子附祀

廟中 太陽真君則專祀於牌坊閣上咸豐四年被火焚燬同知恒祐重建

文昌 奎星一閣在小東門上

馬王閣在小西門上

玉皇 三清 三官 觀音一閣在城東南隅南門上向在廳署西南隅於道光十四年移

建於此其舊址改建牌坊下修三元橋俱有碑記

正覺寺在城外東南郊嘉慶三年同知湍東額建二十一年同知松音修道光元年署同知奎斌重修咸豐五年被火焚燬同知恒祐建修七年工竣俱有碑記

鄧侯廟在正覺寺內迤西嘉慶二十五年同知松音建道光三年同知松祿告成有碑記

河神廟在城東北隅大東門外倚雷雲山前瀕新城河創建無考同治三年雷震山崩毀損廟壁神像同知文山重建

牛王廟在 河神廟咸豐二年同知恒祐建

山神廟在 牛王廟內西巖之半椒旁有大仙祠光緒三年建背山面水稱爲勝境

厲壇 先農壇舊蹟址道光十二年同知承章設立於大南門官廳內

白雨龍王廟在城東八十里八稜山

馬王廟在城西四十里馬王廟村內有 關帝 財神祠雍正十一年大同總兵李如柏建

初大同營牧廠在陽和衛是年移此道光元年因馬廠毗連民地有礙營牧復移牧廠於正黃旗此處牧地空閒招民墾種因以廟名村焉三年增修光緒元年因廟貌傾圮神像跛斜村民楊秉貞首倡重建輸孔方千餘緡移舊廟於路北增建正殿九楹李洪募化助緣集腋成裘獲數千金建東西兩廡各五楹過殿三楹鐘鼓樓二楹山門二間樂樓三楹廟外植以樹木礪山帶河稱勝境云

圓果寺在城東六十五里擺烟圖村

懸雲觀在城東百一十里雲門山其山高峻由正南乘石磴拾級而登路繞羊腸幾經盤曲行六七里方至觀所內建 佛殿三楹東廡 觀音殿西廡 三皇殿各三楹大殿後有石洞甚深邃內塑 三官像觀之西有仙人橋捨身崖形如虹腰人莫敢至高五六十丈

峻嶒突兀石色蒼翠丹碧相間陡出懸空勢若欲墮崖之巔有地一區約半畝餘俗稱早種晚收旁一大石上面平闊名金場面前有古洞南向深不可測相傳王禪老祖修煉處從百步外望之洞口最真近杳然無蹟每當月夜風晨天空人靜時常聞擊鉢聲三五里外更嘹唳然終不知何許人迤西又有古洞亦南向常有羽士在內修煉再循鳥道而躋盤廻曲折高數十仞若在雲表則陟山巔矣俯視羣峯如蟻垤然洋河諸水真同襪綫其他龍首鴈門菱角葫蘆諸山海了了可辨至若奇花異草古蹟仙蹤既多且有真塞北第一勝境也



公署

地既設官官必立署非侈壯麗便私安也蒞堂皇者種德名區澤周蔀屋勞心公務恩答楓宸亦既聿來胥宇固當職思其居使以遽廬傳舍視之官爲過客署如逆旅致令斗拱含風瓦衣臥地而猶泄泄寢興承前解以儼臨躡後福而倖去於敬君勤民之謂何所願堂上塗黃補苴不怠廳前莎綠灌溉常勤庶幾甘棠留召翠柏思萊不爲竹馬兒童銅蚨父老所竊笑也

廳治

在城內東偏舊係大朔理事通判公署乾隆二年大同縣知縣李伯醮估計鎮甯所千總王與朋督工建修十八年通判色明增修二十一年通判奉文裁缺衙署空閒詳准留作豐鎮廳署二十五年通判圖明阿重修三十八年同知八格增修咸豐二年同知恒祐建修光緒元年同知玉麟重修大堂二堂壯麗踰初

大門

三楹

大堂

三楹

二堂

三楹

儀門

三楹

書吏房

東西各三楹

役班房

東西各三楹

庫

一楹在大堂東

庫書房

三楹 門子房 二楹 宅門 座門房 二楹 東西各 書室 二楹 東西各 內宅門 一座 住屋 三楹 廂房 三楹 東西各 花

亭 三楹 廚房 三楹 東小院上房 三楹 西小院 西房 三楹 南房 三楹 獄 門 在大 禁卒房 二楹

司獄署

在廳署西側乾隆十一年鎮甯所千總張祖述估計承建

大莊科巡檢署

在廳境東八十里大莊科村乾隆三十四年同知威中額估計承建

豐鎮廳巡檢署

舊在廳境東北二百二十里高廟子村乾隆二十一年通判黃大鶴承建四十年移駐廳東

北一百四十里張皋兒村

豐川營守備署

在廳境東北高廟子村乾隆四十三年同知威中額承建外堂內室軍裝庫三楹火藥庫一

楹隨營外委住房四間營房一百六十間

四美莊把總署

在廳境東北八十里四美莊村乾隆三十四年同知威中額承建

豐鎮營把總署

在廳治東北隅乾隆二年大同縣知縣李伯馮奉文估建二十五年通判圖明阿增建營房六十間舊係鎮甯所千總署乾隆十五年裁汰所官衙署空閒二十六年奉文撥給新設豐鎮汛把總駐劄光緒七年把總靳汝功重修大堂三楹二堂三楹大門一座二門一座庫房二間

倉庫

倉以納粟米庫以貯金幣禹貢載之周禮職之依古無或改也然庫多在官府內署而倉必掌諸外吏啓閉尤宜嚴焉豐鎮常平倉儲以濟荒窮黎胥賴矣但官之挪移者劃償無術民之借領者還補無期遂致兩病以興利之舉而爲積害之端曷以善其後其必入勿中飽勿陷澤出勿外漁勿漏陂庶幾有備無患乎

國朝順治十一年令各府州縣俱有預備倉義倉社倉積儲備荒十二年題准各衙門自理贖緩春夏積銀秋冬積穀悉入常平倉備賑置簿登報其鄉紳富民樂輸者多方鼓勵勿勒定數勿使胥吏侵尅及加耗滋弊十三年議准積穀賑濟務令修葺倉廩印烙倉斛選擇倉書糶糴平價不許別項動支十七年議准常平倉穀春夏出糶秋冬糶還平價生息務期便民如遇凶荒卽按戶給散災戶貧民

康熙十八年題准地方官整理常平倉每歲秋收勸諭官紳士民捐輸米穀照例議叙留本地備賑鄉村立社倉鎮店立義倉捐輸積儲留本村備賑復公舉本村敦重善良之人管理

出陳入新春月借貸秋收償還每石取息一斗年終將數目詳報如有陪尅者照侵欺正糧例處分有強派抑勒借端擾民者察出治罪

常平倉在廳治東北倉厰五十間豐一厰裕一厰計十間乾隆二十八年置通判堂瑛承建二十九年增裕二厰裕三厰計十間三十年增裕四厰豐二厰二十二年三十三年增豐三厰豐四厰計十間俱通判朝璧承建三十四年增豐五厰裕五厰計十間同知威中額承建咸豐三年同知恒祐重修光緒七年同知德溥捐廉建修豐一厰裕三厰原爲徵儲牧地米石嗣因牧地改徵折色銀兩倉厰詳請存留分儲常平倉穀現今常平倉內實儲穀一萬二千七百八十五石六升

高廟子倉在廳治東北高廟子邨倉厰十間乾隆三十四年同知威中額估建現今守備署東有舊倉厰五間皆坍塌不全五間僅存故址不知何時圯廢查前碑記上鐫乾隆十一年立其他字跡多磨滅不可識該邨正東七里卽直隸張理廳屬之馬潮窠子邨也

庫藏

豐鎮錢糧歲內支解年清年欸並無存儲亦無閒款庫藏尙未興造乾隆末年始於大堂東側建庫一楹咸豐二年同知恒祐重修

## 橋梁

渡以濟行旅梁以通車輿故周官司川澤之阻國制嚴津渡之修夏令曰九月除道十月成梁令人利涉而不病涉焉苟澤不陂障川無橋梁則厲深揭淺寒沍堪憂土淖泥濇沮洳足慮雖司塗之咎而將移於守土矣是必徒杠輿梁務期普濟使能舉偏興墜茸舊增新庶不復致單襄之誠亦不必踵國僑之惠也夫

通順橋在城南舊城濠上向係架木爲之咸豐元年改建石橋長四丈廣七丈有碑記  
三元橋在城東街牌坊南舊城濠上

新城河橋在廳治東門外新城河上乾隆二十五年民人王良募建砌石爲橋長八丈廣二丈高一丈下洞三上有石檻嗣因疊次開墾牧地衆流會注河水漲溢石橋圯廢每年霜降前架木成梁長六十二丈廣一丈一尺高八尺立夏後徹梁本城八行鋪商任其事  
五里橋在城東南得勝河上距廳治五里五臺窰村民任其事  
望城橋在城東南得勝河上距廳治七里三臺道村民任其事

利涉橋在城西南聚寶莊河上距廳治八里富喜村民司其事

樂善橋在城東北一百八十里二道河後河上光緒六年創建豐盛堡闔鎮鋪商任其事  
淮銀石橋在張皋兒渾源渠上係南北往來要街上有石檻橋雖小而甚堅固



## 義學

古者家有塾黨有庠術有序自王宮國都以及閭巷莫不有學俾肄業者八歲入小學十五入大學學古有獲非徒教以灑掃應對進退之節禮樂射御書數之文已也而又慮寒儒就傅力不能支於是有義學之設以廣鄉學之教育補成均之不逮焉昔漢明帝冠帶環橋使期門羽林之士皆通孝經章句時則有若單于猶且遣子入侍況我

朝文德誕敷人遊太平之宇熙熙如上春臺俾郡縣廣設義學凡鄉城貧寒子弟皆納之軌物得身親講學明倫之地童而習之朝漸夕摩迄於成材上之建功立業次亦不失爲謹厚循良成人有德小子有造譽髦斯士比戶可封雖風動時雍之盛不是過也豐鎮自設立以來並無學校黌宮而有義學以造就之君子詩書小人樂利文教亦蒸蒸蔚起矣故志義學而以教法附之

### 本城義學

在南街古地名衙門口設自雍正年間向係官捐資給乾隆七年通判顧世衡以龍王廟迤

東官地六十八畝城南三十畝河東三十畝東河畔十五畝共地一頃四十三畝撥入義學聽館師歲收租息以資膏火

### 鄉村義學

慈老溝村道光年間里民楊仲元施地一頃爲館師膳

小莊窩村道光年間廟僧沙爾沁施地若干畝歲收租息油麥九石八斗八升大炭二千觔給館師脯金膏火

### 教法

粵自帝敷五教王明七教樂正崇四術立四教春夏教以禮樂秋冬教以詩書蛾子時術學以積成故釋菜鼓篋以遜其志宵雅肄三以官其始夏楚二物以收其威教人之法由來尙矣秦李斯焚書坑儒古學旣亡教法浸廢漢儒馬融絳帳講學前授生徒後列女樂南郡士林譏之迨宋儒蔚起以倡明聖道爲己任考亭鵝湖之學註釋經義輯著成書體用兼備詳且盡矣乃法久漸弛卑鄙之流視爲具文

國朝崇道重儒雍正甲辰春頒朱子白鹿洞規於郡縣俾學者從切己處做工夫非止寡尤寡悔下學之功能實乃希聖希賢上達之基址千古教法莫踰於此故因志義學而附記條目臚列於左

父子有親君臣有義夫婦有別長幼有序朋友有信

右五教之目

博學之審問之慎思之明辨之篤行之

右爲學之序

言忠信行篤敬懲忿窒慾遷善改過

右修己之要

正其誼不謀其利明其道不計其功

右處事之要

己所不欲勿施於人行有不得反求諸己

右接物之要

一、接物之要

二、接物之要

三、接物之要

四、接物之要

五、接物之要

六、接物之要

七、接物之要

八、接物之要

九、接物之要

十、接物之要

十一、接物之要

## 義塚

澤及枯骨西伯稱仁後世義塚之設亦仿古掩骼埋胔遺意宋天禧初於四禪院買地瘞無主骸骨官給錢六百幼者半之後漸廢弛仁宗復舉世祖詔京師漏澤園天下府郡縣各置義塚免科永著爲令仁政溥矣或曰昔范文正公置義田以厚宗族其子純仁以麥舟濟故人較之瘞貧骸於義地慈惠爲優然雖有生死之異而存心惟仁舉事惟義則一也夫造物所以生生不已王政推斯心而加諸後者祇此不忍之心耳而體此不忍之心以行不忍之事非仁人君子其孰能之則此義舉何可沒也故志之以爲繼起者勸

黃旗道義塚地十畝嘉慶十五年同知珠拉置

留雲窠村東南義塚地一頃一十畝道光三十年同知恒祐置有碑記

二十一溝村北義塚地五畝咸豐九年公義社置

哈達衚衕義地地一頃光緒七年忻州歲貢生薛壽朋置

## 養濟院

按兩漢於鰥寡孤獨老眊篤癯之人每詔郡國軫惻間亦有粟布之賜宋致和三年韓琦請罷鬻諸路戶絕田募人承佃以夏秋所得之課給在城老幼貧疾乃詔天下置廣惠倉崇寧元年詔諸道置安濟坊紹興二年詔臨安府置養濟院明洪武五年詔天下郡縣立養濟院凡孤獨許入院月給米薪夏給布

國朝因之卽哀此莞獨之仁政也故志之

養濟院在城南郊其創始不可考舊例每歲自仲冬朔起至次年仲春晦日止每名給米八合三勺薪水菜錢六文逐日領取又每名給皮衣一件恐苦樂不均同知委司獄監理其費除官賞給外紳庶有樂輸者飭房登簿詳報並飭大莊科張皋鎮巡司照例辦理逐月造冊詳報道光三十年同知恒祐重修把總趙萬清仍顏其額每歲冬鋪商捐貲酌給米薪

巡幸

巡狩之舉昉自有虞沿及秦漢下逮前明巡邊軼事亦散見於史冊所以省方勸稼考制度正禮法觀民風明黜陟洵盛典也遼宋金元雲中爲帝都西京地豐鎮密邇以巡以畋不可勝紀

國朝康熙中時巡載舉媿美唐虞廳雖窮荒邊陲實爲畿輔右翼迄今稱道翠華遙臨警蹕扈至士庶呼嵩歡騰舞蹈洵千載奇遇也

秦始皇三十三年幸碣石遂巡北邊

漢武帝元封元年帝親帥十二部將軍巡邊行至雲陽北歷上郡西河五原出長城單于臺章帝元和三年春北巡狩二月進幸中山遣使者祠北嶽出長城

北魏太祖登國元年冬十月帝自弩山遷幸牛川屯于延水南出代谷會慕容賀麟於高柳二年冬十二月巡松漠還幸牛川五年夏六月復幸秋八月又幸

六年秋七月講武於牛川

十二年冬十一月帝討慕容寶至參合陂

天興六年秋七月車駕北巡築離宮於豺山縱士校獵東北踰罽嶺出參合代谷

天賜元年冬十二月車駕幸豺山宮是年至五年凡四幸

三年秋八月行幸青牛山西登五要北原觀九十九泉

四年夏五月北巡自參合陂東過蟠羊山大雨暴水遂東北踰石漠至長川

五年春正月行幸豺山宮遂如參合陂觀漁于延水

太宗永興二年夏五月帝幸參合陂

四年冬十二月車駕北巡至長城而還

五年春二月幸高柳川

神瑞元年春二月幸豺山宮夏六月復幸明年冬十二月又幸

二年夏四月車駕北巡五月次於參合陂冬十月行幸沮洳城

泰昌元年春正月行幸豺山宮夏六月車駕北巡秋七月大獮於牛川



二年夏四月幸高柳

六年夏六月北巡至蟠羊山冬十月行幸代

八年夏六月北巡至於參合陂

世祖始光三年秋七月築馬射臺於長川帝親登臺觀王公諸國君長馳射賜中者金錦繪絮各有差

神䴥元年夏六月行幸長川冬十月北巡畋於牛川

高祖太和九年夏六月幸雲泉池是年至十九年凡十幸

十三年秋七月幸雲泉池與羣臣御龍舟賦詩

十八年秋八月北幸懷朔武川柔元撫冥諸鎮所過皆親見高年問民間疾苦貧窮孤老賜以粟帛

隋煬帝大業四年春三月車駕出塞巡長城

遼景宗統和二十年春三月駐蹕於鴛鴦灤是年至開泰九年凡六幸

興宗重熙十一年春二月如鴛鴦灤十四年春又幸十八年春又幸  
十二年帝親征夏國會大軍於九十九泉

道宗清寧六年春如鴛鴦灤是年至太康六年凡五幸

大安六年春二月駐蹕雙山

壽隆三年春正月駐蹕雙山

天祚乾統五年春二月幸鴛鴦灤是年至保大二年凡六幸

金世宗大定二十七年秋獵八月次雙山子

元太祖六年春二月帝自將南伐克捷於野狐嶺取大水豐利等縣

太宗三年夏五月避暑於九十九泉

英宗至治元年秋八月車駕駐蹕興和

明成祖永樂十二年春三月親征至大同夏四月次興和

封爵

古者建衆諸侯屏藩王室君班爵臣就封展親報功典至鉅也自秦郡縣海內盡廢封建之制後世持論者因王綰李斯異議於是各主一說互相排詆紛紛聚訟不可復置喙矣然漢唐以來藩封列爵歷代不乏考史記年家世表列傳或食封郡邑或拜爵名藩諸公侯王雖有實授遙授之殊而一時帶礪之榮亦猶行古之道也

東漢代王盧芳建武十六年封芳乘王莽之亂借邊外兵掠地光武數討之至是入居高柳乞降遂封代王十八年復亡出塞

武進侯隨憲昱弟建武十二年封

蜀漢新興王劉恂後主子景耀二年封後入晉襲後主安樂公爵 按新興郡魏地遙取美名以爲封號如蕭梁定襄侯趙宋雲中侯之類皆是

魏武進亭侯魯芝以討諸葛誕功封後進爵黎城鄉侯 按武進前漢屬定襄郡後漢屬雲中郡建安中已廢魏武更置新興郡是封號尙沿舊縣名也他皆類此

晉代公拓拔猗盧建興三年封初并州刺史劉琨乞師代公助兵三萬琨甚德之請於朝封

爲代公又與琨并力討劉曜於晉陽破之遂晉爵爲王傳至道武稱帝改國號魏  
定襄侯劉興廣武侯琨兄爲東海范陽二王所用有功封諡曰貞子演嗣

定襄侯衛操勸說代公猗盧匡助晉氏東嬴公司馬騰聞而善之表加將號封侯

北魏新興王元俊太宗第七子泰常七年封後坐法降公旋國除 按晉志惠帝改新興爲

晉昌郡卽北魏之永安郡也地形志所載新興郡則梁武僑置非故郡地

定襄縣王元鸞恭宗孫太和十九年以楮陽失利由陽城陽王降封

新興公元丕河間公與都子孝文時由平陽郡公諡曰平

新興縣開國子衍穆魏郡公罷子

南朝新興王劉嵩宋明帝第十一子齊受禪降封定襄縣公

新興郡王蕭大莊梁簡文帝十三子大同元年由高唐縣公晉封 按潁州新興郡蕭衍

置見魏地形志

新興王陳叔純宣帝第二十八子至德元年入隋爲河北令

定襄侯蕭祗梁封太清三年北降

定襄侯張冲臨沮伯邵孫梁武帝時以軍功封

西魏新興縣伯豆盧永恩以迎孝武封邑五百戶

唐新興郡王李德良長平王叔良弟武德初封孫晉襲

定襄王李大恩

新興郡王李誠代宗孫端王遇子

定襄郡王郭英乂太原郡公知運子廣德元年以軍功封

定襄郡王阿史那存禮安祿山將歸降封

定襄公李宏虢王鳳子

新興郡公趙文恪武德二年以佐命功封

新興縣公王君愕武德初封太宗時從征戰沒贈邢國公

新興縣公馬三寶柴紹家僮從定京師平薛仁杲封新興縣男貞觀初晉封

宋新興郡王吳蓋乾德中以憲聖后弟封

新興郡侯趙從都英國公惟憲子贈金州觀察使新興侯

元并王晃火帖木兒河平王昔里吉子泰定二年由嘉王改封雲中王牙牙由唐國王改封  
省志云雲中王牙牙阿沙不花弟由康國公晉封按元史阿沙不花傳牙牙封康國王  
生六子阿沙不花最賢又云母弟脫脫爲名臣又按康里脫脫傳脫脫父曰牙牙由康國  
王封雲中王阿沙不花之弟此承脫脫言省志以牙牙爲阿沙不花弟且二傳俱不言牙  
牙封公是由康國改王雲中其非晉封可知

宣甯王速哥謚忠襄忽蘭孫天德于思俱追封雲國公

宣甯郡王乃蠻台木華黎五世孫至元三年襲國王爵至順間封

宣甯郡王帖木兒不花至大四年封

宣甯郡王阿憐帖木耳至順元年封

威甯郡公月舉連赤海牙至順中追封謚襄靖

職官

郡守始於戰國漢更名曰太守百官志載北魏恒州領郡八州置刺史三郡置太守三舊制置州郡必置副貳以佐之亦猶縣之有令有丞有簿也專城分轄職雖不同要其蒞民守土之責則一考豐鎮改設廳治自乾隆十五年始歷代以來蒞斯土者職制各殊或以文領武事或以武兼文職世遠年湮姓氏不無闕失今按有籍可稽者悉著於左

漢雲中都尉

初名郡尉凡郡口二十萬舉一人典兵禁備盜賊景帝更名曰都尉

鄭吉

宣帝時

定襄都尉

趙不虞

武帝元狩中

後漢定襄都尉

陰承

北魏柔元鎮將

奚直

代人

豆盧長

昌黎徒河人

撫冥鎮將

元業

太和中人

元篤

陽平王熙孫

柔元鎮司馬

元瓌

高涼王孤元孫

唐雲中守捉使

凡兵之戍邊者大曰軍小曰守捉

龐勛

大中時

李克用

乾符三年

後唐雲中令

畢中昱

雲中人

金鎮甯軍節度副使

烏古論仲溫

蓋州猛安人

威甯防城千戶



劉伯林 濟南人 宣宗時

雲中羣牧使 明昌四年置羣牧所使 掌檢校羣牧畜養蕃息

黜公 雲中人

元雲中義軍千戶 凡管軍七百以上為中千戶所三百以上為上千戶所五百以上為下千戶所

孫威 渾源人 太祖初

興和路達魯花赤

紐的該 博爾朮四世孫 至正中

國朝大朔理事通判 雍正十三年設 駐劄豐鎮門廳

三吉札布 正藍旗筆帖式 乾隆元年任

長世圖 鑲紅旗監生 乾隆十年任

觀光 鑲黃旗進士 乾隆十年任 乾隆十一年裁

豐鎮理事通判 乾隆十五年改 陽高管糧通判 為豐鎮理事通判 移駐豐鎮

顧世衡 鑲黃旗廕生 乾隆四年任

色明 鑲藍旗監生 乾隆十五年任

職官 六 財政部印刷局印

劉之鎔

山東諸城人監生乾隆十五年任

黃大鶴

江蘇如皋貢生乾隆十九年任

觀光

鑲黃旗進士乾隆二十一年任

圖明阿

鑲白旗筆帖式乾隆二十四年任

朝璧

正黃旗生員乾隆二十九年任

豐鎮廳理事同知

乾隆三十三年改陽高糧捕同知為豐鎮理事同知糧捕通判移駐

威中額

鑲藍旗舉人乾隆三十三年任

八格

正藍旗人乾隆三十五年任

三藏寶

蒙古人乾隆四十一年任

額騰額

正白旗人乾隆四十三年任

春普

鑲藍旗人乾隆四十五年任

湍東額

正黃旗滿洲蘇隆五十七年任

隆昌

鑲紅旗滿洲富喜佐領三年任

松山

鑲黃旗海福佐領四年任

訥福

鑲藍旗蒙古舒敏泰佐領五年任

松音

鑲紅旗滿洲圖桑阿佐領八年任

明祥 下鑲藍旗滿洲宗室八年任 領

珠拉 下鑲黃旗蒙古嘉慶十年任 領

塔清阿 正白旗滿洲祥齡七任 領

吉齡 正紅旗滿洲德山二十任 領

保英 嘉慶二十年任

奎斌 正黃旗滿洲伊明阿十五任 領

承章 正藍旗滿洲恒敬八年任 領

祥璋 正白旗滿洲達善十四任 領

松祿 鑲黃旗滿洲琦琛十五年任 領

德楞額 鑲黃旗滿洲恒山十五年任 領

富豐阿 鑲黃旗滿洲光奎十五年任 領

札克當阿 鑲白旗滿洲富山十七任 領

興

齡

下鑲人黃旗滿洲公道和世太  
任領

聯

綬

正人藍旗滿洲宗室潤壽  
任領下

書

勳

鑲官白旗滿洲多齡  
任領下

恒

祐

正領下白旗滿洲內務府  
任領下

慶

麟

鑲人藍旗滿洲花里雅遜  
任領下

福

祥

正人藍旗滿洲松齡  
任領下

文

三

鑲人白旗滿洲德通  
任領下

成

錦

鑲人藍旗滿洲德克精  
任領下

祿

桂

鑲人黃旗蒙古明寬  
任領下

福

增

正人白旗滿洲明慶  
任領下

玉

麟

鑲領下黃旗滿洲阿克棟  
任領下

薩

麟

廂舉人藍旗滿洲錫林  
任領下

徵齡 正藍旗滿洲覺羅福元長佐領

定福 廂紅旗滿洲海福二任領下

三照 正藍旗滿洲覺羅福四長佐領

德溥 正黃旗滿洲福壽佐領下人由

松昌 正紅旗滿洲英琦九任領下

謙吉 廂黃旗滿洲長清佐領

李恕 順天府寶坻縣監

謙吉 廂黃旗滿洲長清佐領

陳贊清 山東濟甯直隸州監

謙吉 廂黃旗滿洲長清佐領

豐鎮撫民同知 光緒十年六月初一日改管理轄事同

豐鎮廳司獄

師權 江蘇上元人吏員  
乾隆二十一年任

邵禹倉 浙江人  
乾隆二十四年任

胡兆騫 大興人  
乾隆四十六年任

胡坊時 安徽甯國府甯國縣人  
拔貢嘉慶十年代理

曹天桂 順天府大興縣人  
生嘉慶十五年署

童士檢 順天府大興縣人  
生嘉慶十五年署

李予思 順天府宛平縣人  
叙嘉慶二十年代理

何梅 湖北施南府來鳳縣人  
未入流嘉慶二十年署

鄭恭和 浙江紹興府蕭山人  
嘉慶二十年補授

蕭肇晉 四川保甯府閬中縣人  
生嘉慶二十二年補授

胡士楷 順天府大興縣人  
生嘉慶二十四年署

羅奉鎬 順天府大興縣人  
嘉慶二十四年代理

江思祖 江西建昌府南豐縣人 廕事 府供事嘉慶二十四年署

羅奉鎬 順天府大興縣人 監 生道光五年代理

胡鈞 順天府宛平縣人 國史 館供事道光十年選授

沈棠餘 順天府宛平縣人 監 生道光二十年署

呂立昇 道光二十四年兼理

朱立志 道光二十八年署

馮之晉 順天府大興縣人 監 生 道光二十八年選授

黃增 直隸保定府清花縣人 吏員道光三十年署

聶國英 直隸宣化府延慶州人 監 生道光三十年選授

汪川如 浙江杭州府仁和县人 國 史館供事咸豐元年署

鄒衍本 江蘇鎮江府丹徒縣人 監 生咸豐五年選授

王以肅 順天府宛平縣人 監 生光緒五年署

魯承晉

監生光緒六年新城縣人

王昌

順天府順義縣人監生光緒七年補授

魯承晉

江西建昌府新城縣人監生光緒八年署

李乃筠

山東濟南府歷城縣人監生光緒九年補授

王福田

陝西同州府大荔縣人監生光緒十年代理

高忠信

直隸順天府東安縣人監生光緒十年署

陳韞書

陝西西安府臨潼縣人吏員光緒十三年署

何開岳

甘肅涼州府鎮番縣人監生光緒十三年任

豐鎮廳大莊科巡檢

何元炳

廣東連平州人監生乾隆三十三年任

張宏位

安徽人乾隆四十六年任

何元炳

嘉慶三年任



周舞暘

嘉慶十六年代理

白忠贊

四川酉陽州黔江縣人  
監生嘉慶十九年署

茹啓昆

順天府大興縣人  
生嘉慶十九年署

黃廷松

嘉慶二十五年署

李予思

道光二年代理

羅奉鎬

道光三年代理

張烈

道光十四年署

潘光祖

道光十四年署

姚汝平

浙江山陰縣人  
生道光十九年署

呂培元

湖北武昌府江夏縣人  
典史道光十九年選授

胡鈞

道光二十三年兼理

陳汝弼

道光二十九年署

吳寶球

安徽甯國府涇縣人  
監生道光三十年選授

李延誥

河南府洛陽縣人  
監生咸豐元年選授

王楷壽

順天府寶坻縣人  
附貢咸豐九年調對

童培芝

順天府大興縣人  
監生咸豐十一年補授

紀鋤

順天府文安縣人  
監生同治八年署

崔文階

山東武定府商河縣人  
吏員同治九年補授

戴光涵

浙江紹興府餘姚縣人  
監生同治十二年署

邵晉名

山東東昌府鄆城縣人  
吏員同治十二年補授

吳廷棟

江西南安府上猶縣人  
監生光緒六年補授

張增慶

江蘇蘇州府震澤縣人  
監生光緒九年署

楚思孟

江蘇常州府無錫縣人  
人俊秀光緒九年任

豐鎮廳二道河巡檢

光緒十二年三月二十  
九日大莊科巡檢移駐

楚思孟 江蘇常州府無錫縣人  
俊秀光緒十二年任

豐鎮廳張皋兒巡檢

孫蘭言 直隸清苑人吏員  
乾隆二十年任

李震 順天府大興縣人監  
乾隆三十年任

劉應顯 安徽阜陽人監  
乾隆三十四年任

朱煌 江西瑞州府高安縣人監  
乾隆五十二年補授

胡兆甯 嘉慶元年兼署

胡坊時 安徽甯國府甯國縣人  
拔貢嘉慶八年代理

魏廷勳 順天府大興縣人  
監生嘉慶九年署

李予思 順天府宛平縣人三通館  
供事嘉慶十五年代理

嚴榮 直隸保定府清苑縣人  
吏員嘉慶十六年代理

周紹琪 浙江杭州府仁和县人  
監生嘉慶十八年署

詹

麒

浙江衢州府常山縣人  
監生嘉慶十九年署

方應垣

順天府大興縣人  
供事嘉慶二十年代理  
玉牒館

金春普

直隸保定府清苑縣人  
吏員嘉慶二十四年署

白忠贊

順天府大興縣人  
生道光三年兼護  
監

甯丙耀

道光六年署

孟騰蛟

道光六年署

施繼祖

順天府大興縣人  
監生道光八年任

賈汝勇

道光十二年署

呂立昇

順天府大興縣人  
叙道光二十二年署  
議

何其沼

廣東嘉應州監生  
道光二十八年署

周學謙

浙江甯波府象山縣人  
道光三十年選授

齊治

咸豐四年署

趙夢松

順天府大興縣人  
監生咸豐八年補授

呂烈文

安徽甯國府旌德縣人  
監生同治十一年署

徐國梓

順天府大興縣人  
監生同治十一年補授

存英

廂黃旗漢軍慶隆佐領  
光緒二年補授四年調署  
下人監生義鎮

李崇善

浙江紹興府會稽縣人  
監生光緒四年由靈石縣  
仁義巡檢調署

存英

廂黃旗漢軍慶隆佐領  
下監生光緒六年回任

黃應業

浙江紹興府山陰縣人  
監生光緒九年任

沈守正

浙江湖州府歸安縣人  
監生光緒十年任

存英

廂黃旗漢軍慶隆佐領  
下監生光緒十一年任

選舉

唐堯咨采側陋明揚虞舜考詢功臣枚卜此選舉之始也嗣是而後幣聘莘野之耕夫形求  
傅巖之築傭夢兆飛熊之釣叟賢興置兔之野人登明選公不拘資格商周尙已漢制舉孝  
廉策賢良方正隋置進士科唐因之爲帖括爲詩賦宋以經術金以詞賦經義策論中選者  
爲進士律科經義中選者爲舉人明以制藝歷代科目取士首重進士皆古者言揚之遺至  
若茂才異等始於漢貢士之名始於唐明制有恩拔歲之分亦有鄉試副貢之例而武舉則  
唐武后始置宋仁宗親試之明初立武學科目定武試科甲大抵不離乎虎觀明經鷹揚奏  
績焉

國朝掄才選士不拘一途踵前代科目復增監生優貢例貢之名並登莖榜以彰人才之盛  
豐鎮稱魏遼金元用武地設科制科得與此選者史傳所載何寥寥也方今

聖天子求賢若渴有時再舉賓興卽闢門籲俊之盛心鄉舉里選之遺意都人士乘運而興  
德行才藝各獻賢能以功名及時自奮將見濟濟翼翼峩峩如也爰採數人著之於篇以揚

前休且爲後進勵

國朝

武科

王浮龍

原籍直隸懷安縣人寄居碾房窰村廷元第三子道光戊戌科武舉辛丑會試武進士任浙江麗水營守備保陞甯海營參將賞戴花翎咸豐二年征粵匪陣亡

奉旨優卹世襲雲騎尉

王寶龍

廷元第四子道光甲辰科武舉乙巳會試武進士欽點乾清門御前侍衛選補廣西懷吉營守備

王光龍

補廷元第五子道光癸卯科武舉庚戌會試武進士選補陝西神木營守備奏參將副將銜賞戴花翎

劉濟鉞

原籍忻州湖村人寄居公衛衛村道光己酉科武舉

王連生

浮龍從姪同治甲子科武舉

副貢

賀九疇

原籍祁縣人寄居本城同治壬戌科副榜

拔貢

戴謙 原籍陽高縣人 寄居大東溝村道光

賀九疇 咸豐辛酉科選拔

恩貢

徐在魁 原籍大同縣人 寄居本城

歲貢

郭傅 原籍忻州人 寄居粒我村

潘綏周 原籍左雲縣人 寄居河口灘村

岳鳳池 原籍渾源州人 寄居慶豐窰小山村

例貢

麻世俊 原籍崞縣人 寄居庫狄沙溝堰村

劉光裕 原籍平遙縣人 寄居本城

張玉 原籍渾源州人 寄居山喜坪村



郝魚泮

原籍忻州人  
寄居本城

韓汝

...

...

...

...

...

...

...

...

...

...

...

...

...

...

...

...

...

...

...

...

...

